





唐律疏議跋

唐律爲舊律之最全者有疏議又有王元亮音釋附宋金元法  
元泰定四年江西刻本也明洪武時命儒臣同刑官講唐律日  
進二十條定大明律篇目一進於唐此法家最可寶貴之書若  
明律疏議不及明會典之詳矣此書名疏者申明律及注意云  
議者申律之深義及律所不周不達若董仲舒春秋決獄應劭  
決事比及集駁議之類明律疏議則無之徒冒其名耳律自  
當有學漢志不收漢律者以律不在中秘刑法自有志而法經  
漢律馬鄭諸儒皆有章句魏太和三年置律博士時儒說十餘  
家劉廙傳劉劭傳盧毓傳皆事在太和前詔但用鄭氏章句不得雜用餘家魏志  
衛覬傳云明帝太和時覬言九章之律自古所傳斷定刑罪其  
意微妙百里長吏皆應知律刑法者國家之所重貴而私議之

癸巳類稿

卷十二

二

86311

所輕賤獄吏者百姓之所懸命而選者之所卑下王政之弊未  
必不由此也詰置律博士轉相教授事遂施行漢昭烈亦言少  
從鄭康成論說治道備矣獨不及赦詰弱丞相文是鄭注最備  
唐律之法不能純用太和制然鄭義多在集答權赦引其中不可廢也晉用  
武帝外祖王肅之言盡廢鄭義張斐杜預各有律注一章之中  
兩家所處生死頓異齊永明中參議一之蓋南北各議如尚書  
北朝鄭本江南攻本唐律本隋由魏而周而隋有淵源也南朝  
孔稚圭言古之名流多有法學今之士子莫肯爲業縱有習者  
世議所輕將恐此書永淪胥吏之手請立律學助教不果行至  
隋經籍志並漢志法家李子亦無之豈非儒者讀萬卷書不讀  
律乎唐置律學取士有明法科士稍習之五代史刑法志云周  
顯德五年七月大周刑統勒成其有文理深古慮人疑惑者別

以朱字訓釋其用意甚厚今唐律疏義有釋文亦是此意宋元祐二年司馬光言律令敕式當官所需何必置明法一科使豫習之蓋失言矣司馬學通古今作此言者蓋惡律深刻然不豫習之當官所需取給一時貽害益大金史張汝霖傳云有司言民間收藏制文恐因而滋訟汝霖言法制欲使易避難犯私家收之則曉然不敢爲非亦助治之一端也且隋煬帝紀殺人至三日明人年譜猶記劉瑾三日四千七百刀鄭鄞三千六百刀之法鄧士龍國朝典故後鑿錄記劉瑾沈德符野獲編記徐正俱云凌遲三日魏志有配樂戶明時猶發教坊則唐時實行之而律無其文然則誠讀律慎守之陷網之民猶有所措手足且周興來俊臣之杖枷鐵劉守光之鐵籠鐵枷均出律制之外以唐律論唐事已如此其可慨也朝野僉載言趙公長孫無忌癸巳類稿

卷十二

三川  
上十

奏別敕長流以爲永例後趙公犯事亦敕長流嶺南至死不復迴此亦爲法自弊趙公卽進疏議者值武后得志專讎正人又不當置論也嘉慶丁巳十二月丙申書

阿布思論

舊唐書元宗紀云天寶元年八月丁亥突厥阿布思及默啜可汗之孫登利可汗之女相與率其黨屬來降九月辛卯御華萼樓出宮女宴毗伽可汗妻可登及男女等檢突厥傳則默啜毗伽登利三世皆俎所云默啜孫者勃德支特勒也所云登利女者余燭公主也所云可登者毗伽妻登利母也所云男女者可登從子勃德支特勒長子伊然可汗小妻余塞葡女大洛公主及孫女余燭也阿布思者其九姓首領也唐史無傳其事故見諸紀傳舊唐書元宗紀云天寶十一載三月朔方節度副使奉信王阿布思與祿山不協乃率其部下叛歸漠地所云漠地蓋漠北之譌十二載二月國忠誣故相李林甫陰結叛胡阿布思貶林甫二子及其黨十三載三月壬戌北庭都護程千里擒阿突已類稿

卷十二

四  
861b

布思御樓受之斬於朱雀街舊唐書程千里傳云阿布思內附隸朔方軍李林甫領節度用爲副後詔移其部於幽州素與祿山隙乃叛歸磧北數爲邊患命千里討之十二載十一月擒之並其妻子十三載三月上御勤政樓受之斬於朱雀街新唐書安祿山傳云祿山忌布思才不相下欲襲取之故表請自助布思懼而叛轉入漠北祿山厚募其部落已得布思眾則兵雄天下愈偃肆新唐書肅宗女和政公主傳云阿布思妻隸掖庭帝宴使衣綠衣爲倡公主諫曰布思誠逆人妻不宜近至尊無罪不可使與羣倡爲伍帝爲免出之合諸文觀之阿布思之事以明公至元宗孫女也帝宴當在天寶十三載三月以後十四載十月以前國忠昏狂助祿山攻阿布思李林甫十三載正月祿山聞擒阿布思始入朝觀釁三月帝殺阿布思始歸范陽明年

十一月遂反元宗亦不復能宴矣和政公主設爲逆人及無罪  
兩辭蓋深憐阿布思而深惡安祿山當時宮掖亦知祿山必反  
父子祖孫之間元宗亦不采納昧於祿山之防其時若此者多  
矣若以常情言之唐時隸掖庭爲倡者皆逆人家口和政少長  
宮掖豈當作此不達之論也

癸巳類稿

卷十二

五

一一一

書舊五代史樂志下後

周王朴精律呂之學合柷黍造尺進之檢史傳志歐史傳五代會要均莫從比得其尺度惟玉海有之尺度不同誠得一尺實數則可互求得之了然心目耳說者紛糾失其數也所當知者一禮記尺一隋志尺一玉海尺禮記云古者以周尺八尺爲步今以周尺六尺四寸爲步鄭注云周尺之數未詳聞也案禮制周猶十寸爲尺蓋六國多變亂法度或言周尺八寸據鄭言知六國及漢一尺當周尺八寸漢尺依食貨志一貨泉當一寸又累黍合推周尺可以無疑周尺漢尺最易知史言秦用六寸爲尺數用六取周尺六寸當六國時周尺七寸五分六國時周尺者古名咫說文云咫八寸周尺也是周時別自有咫咫等物當周初不名以丈尺義易明也儒說殷尺十二寸亦以漢寸目

癸巳類稿

卷十二

六

〇〇一

之依漢尺當周尺八寸則周尺得漢十二寸五分百二十五黍合十二天數也鄭以似殷疑之故云周數未詳聞淮南子天文訓云十二粟爲一粟十二粟當一寸則尺百二十粟當是殷制若六國變通取咫爲尺則其寸短累十爲尺卽漢尺也漢志不言漢自造尺是可證也聘禮疏引鄭論語序云六經策二尺四寸孝經一尺二寸論語八寸鹽鐵論云二尺四寸之律而漢書杜周傳三尺法是二尺四寸卽三尺知六經是三尺孝經尺半論語尺策言尺者以咫言之言尺寸者就六國前古雅名也或以六國截周八寸不更分十寸如此鄭顯見周八寸何見八不能詳乎漢志十黍爲一寸一黍爲一分說苑一粟爲一分易緯通卦驗一馬尾爲一程十程爲一分累黍古亦不同累合黍長者十黍當一貨泉同西漢尺考樂則周亦止用百黍之咫壁

圓九寸其羨者長十寸廣八寸典瑞云璧羨以起度攷工記云璧羨度尺十寸八寸皆尺一證也蔡邕云周尺八寸二證也晉書隋書志云周尺劉歆銅斛尺同三證也秦水德用六寸周木德用八寸四證也謂周無百黍之咫則四說不可通周無百二十五黍之尺則禮以周尺六尺四寸爲步之說不可通是周尺二度或言周尺當漢尺八寸思之數年悟其非也然則百二十粟殷尺也百二十五黍周尺也百黍周咫也六國時周尺皆六尺也七十五黍秦尺也此合經緯史證之後人所謂周尺皆六國時周尺隋書律歷志審度云今略諸代尺度一十五等一周尺漢志王莽時劉歆銅斛尺後漢建武銅尺晉泰始十年荀勖律尺祖沖之所傳銅尺二比晉前尺一尺七釐晉田父玉尺梁法尺三比晉前尺一尺二分二釐一豪有奇梁表尺四比晉前尺一尺三分七釐漢官尺晉始平掘得古銅尺漢章帝時零陵

卷十二

七

五文五

冷道縣舜廟下玉律所度尺五比晉前尺一尺四分七釐魏杜夔調律尺六比晉前尺一尺六分二釐晉氏江東所用爲晉後尺七比晉前尺一尺二寸七釐後魏前尺八比晉前尺一尺二寸一分二釐後魏中尺九比晉前尺一尺二寸八分一釐後魏後尺後周市尺開皇官尺十比晉前尺一尺五寸八釐東魏中尉元延明用黍半周之廣累黍尺十一比晉前尺一尺一寸五分八釐漢蔡邕銅俞尺後周玉尺十二比晉前尺一尺六分四分釐宋氏尺錢樂之渾天儀尺後周鐵尺開皇初調鐘律尺平陳後調鐘律水尺其訣水爲木謂以木爲尺始此可云奇齊梁陳制樂尺十三比晉前尺一尺一寸八分六釐開皇十年萬寶常所造律呂水尺是亦之林十四比晉前尺一尺五分雜尺趙劉曜渾天儀土圭尺十

五比晉前尺一尺七分一釐梁朝俗間尺又云第二等周銅尺在南朝至衣所掌齊東昏用爲章信蕭餘依制爲新尺以製笛第三等陳亦用之隋大業中以之調律以制鐘磬等八音樂器晉書律歷志云古法七品一曰姑洗玉律二曰小呂玉律三曰西京銅望臬四曰金錯望臬五曰銅斛六曰古錢七曰建武銅尺姑洗微強西京望臬微弱其餘與荀尺同梁武帝鐘律緯亦云然其十四等今皆不見僅有古錢耳嘉慶七年春過曲阜見公府建初銅尺銘云慮僂銅尺建初六年八月十五日造合百四黍少弱蓋後漢官尺晉律歷志言後漢尺長或官尺依舜廟五律造者今在第四等其第一等黃鐘容黍八百八粒第四等容九百三十九粒第十等容二千八百六十九粒晉書肇虞傳云陳緇掘地得古尺尙書奏今尺長於古尺虞言今尺長於古

尺已類稿

卷十二

八

五三五

尺幾半寸律歷志謂今尺者杜夔尺也則所謂古尺者合於荀尺宋書樂志云阮咸譏荀新律聲高出爲始平相時掘地得古銅尺今亦在第四等或亦建初尺類也玉海引五代會要云顯德六年正月樞密使王朴依周法以秬黍較定尺度長九寸虛徑三分爲黃鐘之管與見在黃鐘之聲相應以上下相生之法推之得十二律管乃進所定尺所吹黃鐘管又云潞州累黍尺與天府布帛尺比王朴律準尺長二寸二分強又云王朴律準尺比漢錢尺長二分有奇又云王朴律準比晉前尺長二分一釐比梁表尺短一釐一毫又云三司布帛尺比周尺一尺三寸五分賴所引三司布帛尺及漢錢尺梁表尺相比而得尺度知王朴律準又案樞窗小牘云景祐元年九月帝御觀文殿詔取王朴律準觀視御筆篆寫律準字於其底復付太常祕藏本寺

模勒刻石於廳事博士爲之銘東都事略高若訥傳云以漢貨泉度一寸依隋書定天下古今尺十五種上之藏於太常寺續資治通鑑長編言景祐三年秋七月己亥所上玉海引實錄亦同然玉海所比周尺漢錢尺晉前尺梁表尺依東都事略則皆高若訥所造進漢錢可據今幸有其數以知玉朴律準當貨泉尺一尺二分一釐當建初尺九寸八分一豪強當今工部鐵尺七寸六分五釐五豪則灼然可據建初尺的是舜廟玉律尺度當是章帝時官尺嘗見彷彿者摹刻者揚者忽長忽短又或作說作攷作跋作辯或以爲周尺或以爲卽建武尺皆不可信乙丑正月燈節書於拜斗殿萬舍

書五代史馬綽傳後

後唐長興三年二月令國子監依石經文字刻九經印板賣之見五代會要以前或寫本或搨石經本也先是唐有雕印佛經見司空圖敬愛寺募雕刻律疏吳蜀有鬻印板文字色類極多又張參五經文字先已有印本文邊亦有印本而經書之刻則實始此馮道與有力焉檢薛歐五代史本紀及馮道李愚馬綽等傳皆無之時未久未覩其利故忽略之漢隱帝時國子監奏雕造周禮儀禮公羊穀梁時方開此四經計自長興三年四月始校正開雕至周廣順三年六月田敏奏進印板書一百三十册則九經正文及五經文字九經字樣皆告成宋洪邁容齋續筆言其家有廣順三年周禮卽是初本又有顯德六年經典釋文案會要釋文乃顯德二年二月雕造者蓋二年造六年始迄

癸巳類稿

卷十二

十一  
又白七七

工又五代漢臣楊邠傳晚年知史傳有用乃課吏傳寫知自後唐至漢周止有雕印經書字書未有史也史記漢書及後漢書宋淳化中始有官刻本侈言收藏者謂有唐以前經史板本非也陸深燕閒錄引隋開皇十三年十二月八日敕廢像遺經悉令雕撰以爲印書之始此勅見刪於隋書及北史且雕琢謂神像撰集謂經帙不關印書又檢唐書褚無量傳云舊庫內書遺逸請繕寫刊校以宏經籍之遺其云刊校謂刊改校正所繕寫之書也均與刊板不同讀者不察古今語言文同義異之致乃疑古事矣

書舊五代史僭偽列傳三後

史稱昶母李氏本莊宗嬪御以賜知祥唐天祐十六年歲在己卯十一月十四日生昶於太原宋史世家亦云己卯十一月昶生薛史從承樂大典輯出其誤者加案訂正此案云花蕊夫人宮詞法雲寺裏中元節又是官家降誕辰昶當七月十五日生其說恐不然也宋廖瑩中江行雜志言王平子所記花蕊宮詞二十八首成都文類王平甫校書得夫人親筆三十二首俱無此二語疑此屬王建時矣王建薛史已軼今所輯者自冊府元龜無建生日惟洛中記異錄云蜀王建屬兔有兔子上金牀之識陸友仁研北雜志云余生不見黃荃畫雪兔凡三四本蓋偽蜀孟昶卯生每誕辰荃卽書進是建及昶皆屬兔荃以雪兔進昶則史言昶以十一月生無疑法雲寺語非此花蕊夫人作不

癸巳類稿

卷十二

十二

八八上

說昶也蔡條鐵圍山叢談言花蕊夫人蜀王建妾也後號小徐妃者大徐妃生王衍孟氏再有蜀傳至昶則又有一花蕊夫人作宮詞者是也國朝降下西蜀夫人隨昶歸中國至十日召入宮中而昶遂死昌陵後亦惑之嘗造毒屢爲患不能遂太宗數諫未能去一日從上獵苑中花蕊夫人在側太宗方調弓矢引滿擬走獸忽迴射夫人一箭而死其語頗具本末王鞏聞見近錄則云金城夫人頗恃寵侍太祖宴太宗顧庭下曰夫人親折此花來乃飲太宗乃射殺之所聞異詞也吳曾能改齋漫錄則云蜀僞主孟昶納徐匡璋女號花蕊夫人言似花蕊翺輕又升號慧妃如其性也國亡太祖命別護送途中作詞云初離蜀道心將碎離恨綿綿春日如烟馬上時時聞杜鵑三千宮女皆花貌妾最嬋娟此去朝天只恐君王寵愛偏陳無已言夫人姓費

誤也陶宗儀輟耕錄亦云蜀主孟昶納徐匡璋女號花蕊夫人  
意花不足擬其色似花蕊之翩輕也或以爲姓費誤矣按吳陶  
二說眞誤孟蜀花蕊夫人卽宋金城夫人自姓費其徐氏乃王  
建花蕊夫人建納成都二徐事具蜀構机何因以爲孟蜀乎妾  
最婢娟語輕薄子所撰太平清語謂半闕爲軍騎促行後人續  
成之其言命別護送與聞見錄云頗恃寵何光遠鑿戒錄妄詆  
徐后皆誣毀不成人美者也陳無已后山詩語云費氏蜀之青  
城人以才色入蜀宮後主嬖之號花蕊夫人效王建作宮詞百  
首國亡太祖召使陳詩誦其國亡詩曰君王城上豎降旗妾在  
深宮那得知十四萬人齊解甲更無一箇是男兒嘗誦其詩而  
悲之知造毒之志不渝也而鑿戒錄謂此詩爲王承旨作其意  
不欲人稱美花蕊耳王獨亡時衍母花蕊夫人及妾劉氏皆延  
癸巳類稿

卷十二

三八八

頸受死事具於史昶花蕊夫人思報仇志則可尙五代十五國  
加以契丹劉守光李茂貞其時所謂君臣蓋莫適主矣幽鬱之  
思鍾於女子嗟歎之忱故非以儻才也惟蔡條亦有誤謂大徐  
如生王衍衍乃小徐如所生正建花蕊夫人子也衍時小徐如  
爲太后大徐如爲太妃太后太妃及衍遊青城皆有詩載蜀構  
机太妃詩最工云翠驛紅亭近蜀京夢魂猶是在青城此來出  
看江山景却被江山看出行后山詩語言蜀孟昶花蕊夫人姓  
費自不得涉二徐也其言費宮詞百餘首中山詩話成都文類  
則三十餘篇江行雜錄言二十八首俗多混以建時徐作兩花  
蕊夫人皆在蜀皆有宮詞皆爲國死王建孟昶又皆屬免著書  
者又皆自以爲是故難明也

書唐鑑後

唐鑑二十四卷者呂注分范書一卷爲兩卷范論文筆近弱其以唐稱天可汗非君臣之禮司徒司空乃六卿非三公叔嫂弟妻夫兄小功爲私意宋璟抑郝靈筮功爲得大臣遠慮可云偏私然他篇文具懇懇之致真儒雅氣象也有治人無治法後儒或非之然此是苟卿文魏黃門侍郎杜恕論考課云世有亂人無亂法亦用荀文范在通鑑局中十五年深悉唐代治亂得失之由時以唐鑑公目之致崇寧二年夏四月乙亥詔毀刊板唐鑑可云奇厄乃有所謂不虞之譽者宋四明僧志磐作佛祖統紀有云歐陽脩宋祁范鎮修唐書如高僧元奘神秀諸傳在方伎傳者以至貞觀爲戰士建寺薦福之文並削之有淨因自覺禪師初學於司馬光嘗聞光言曰永叔不喜佛舊唐史有涉其癸巳類稿

卷十二

三

事者必去之嘗取二本對校去之者千餘條因曰駕性命道德之空言者韓文也泯治亂成敗之實效者新書也范祖禹聞光言乃更著唐鑑陰補新書之闕其說甚怪檢舊唐書佛事並無千餘條唐鑑三百六條亦不說神秀元奘薦福事至貞觀三年閏十二月各交兵處建寺則舊新唐書皆有而唐鑑反無之僧徒虛言誣司馬光誣歐陽脩宋祁范鎮誣范祖禹於舊唐書新唐書唐鑑盡誣之何爲乎近有章嘉喇嘛者言佛於薄伽梵般涅槃時以無上法付屬羅漢止十六人其搭拉荅拉及花上二人乃唐史所增唐史無此語是又一周書異記法本內傳矣

書宋志真宗永定陵事後

宋真宗陵禮志云山陵按行使藍繼宗言據司天監定永安縣東北六里曰卧龍岡堪充山陵詔雷允恭覆按以聞皇堂之制深八十一尺方百四十尺制陵名曰永定自乾興元年四月十六始事至十月十三掩皇堂中有變革志多遺漏仁宗紀云乾興元年二月己未真宗崩庚申命丁謂爲山陵使六月己酉命王曾按視山陵皇堂庚申雷允恭坐擅移皇堂伏誅丁謂罷甲子改命馮拯爲山陵使七月丁卯貶丁謂九月己卯命以天書從葬十月己酉葬永定陵丁謂傳云爲山陵使雷允恭邢中和擅易皇堂地旣而咸請復用舊地王曾覆視遂誅允恭乃降謂雷允恭傳云爲山陵都監馳至陵下邢中和言今山陵上百步法宜子孫類秦王墳恐下有石與水允恭曰上無他子若如秦

癸巳類稿

卷十二

四

八

王瓊何不可中和曰山陵事重踏行覆按動經日月恐不及七月之期允恭曰第移就上穴我走馬入見太后言之旣而上穴果有石石盡水出允恭賜死王曾傳不言覆按事馮拯傳言爲山陵使不言復定何處蓋仍用卧龍岡下穴然亦有水又不宜子孫故仁宗深仁厚澤在位長久而無子又孝宗櫬宮禮志云於永思陵下宮之西修奉櫬宮上陵名曰永阜朱子傳云趙彥逾按視言會稽土肉淺薄下有水石孫逢吉覆按請別求吉兆有旨集議疏言當博訪名山不宜偏信臺史委之水泉沙磧之中檢朱子文集言趙彥逾稱舊定神穴開深五尺下有水石臺史荆大聲稱宋制趙姓納音丙山壬向新定東頭之穴比先定神穴高一尺一寸五分開深九尺卽無水石穴鑿已多地氣發泄近年地理之學江西福建尤盛請下帥臣監司搜訪令相

視然紹熙五年十月初九日得旨集議十一月乙卯卽行轎事  
在寧宗時寧宗亦無子明孝宗陵亦實有地水九朝野記云初  
建泰陵都下盛傳其地有水吏部主事楊子器言之時督工太  
監李興持之遂下楊錦衣獄有起復知縣邱泰上言萬一梓宮  
葬後欲開則泄氣今視水有無其疑可釋乃遣太監蕭敬押楊  
往視回奏無水眾謂楊必死太皇太后曰無水則已何必罪之  
無用閒談云泰陵金井內有水孔如巨杯水仰噴不止楊名父  
見之疏請易地工部尚書李鏊謂楊多言害成功令人塞其孔  
以楊誣謫奏命錦衣官校押楊往驗無之楊有詩云羣議已公  
須首實眾言不發但心知其後王衡亦有詩云干禩泰陵抔土  
濕登臺北望一沾裳其事史紀志不言散見曰下舊聞其後孝  
宗子武宗亦無子又嘉靖時錦衣指揮趙俊視承天顯陵元宮  
癸巳類稿

卷十二

五

有水卒不改以太后耐葬豈以顯陵發祥不礙見水耶萬曆時  
李植江東之言大峪有石龐尙鴻言大峪開時元宮有水工匠  
用火炙乾不使上知此神宗定陵也其後荒矣曰下舊聞又言  
龔佳允稱思陵墻開地甚濕其中衣被諸物多黴黑按田貴妃  
以崇禎十七年正月二十三日葬四月初四開物已黴變其葬  
骨不安可知以此見術不可不慎也

宋會要輯本跋

嘉慶甲子秋日輯十神太一事讀宋史理宗紀寶祐二年九月辛酉詔詣西太一宮爲國祈祥起居郎牟子才再疏諫止檢牟子才傳帝將幸西太一宮款謝實欲遊西湖爾子才力諫止又劉敞傳云建西太一宮佞者言太一所臨分野則爲福近歲自吳移蜀西北坤維五六十州安全者不能十數降敗者相繼福何在是西太一宮在西湖建於理宗時禮志止紹興十一年臨安城東太一壇墮及孝光兩朝增殿屋求西太一宮不可得又苗訓傳子守信言至道二年以前太一經歷宮分水神太一臨井鬼屬秦雍分及梁益之地民罹其災來歲水神太一入燕分意疑之以志傳不詳思得宋會要按宋仁宗時武經總要已引會要之文陳振孫書錄解題云慶曆四年成八十五卷是也程

癸巳類稿

卷十二

六

80113

俱麟臺故事修纂云慶曆四年章得象上新修國朝會要百五十卷晁公武讀書志同名爲三朝國朝會要至熙寧十年則爲六朝國朝會要三百卷林則決科古今至論前集卷四云會要自建隆至慶曆百五十卷由慶曆至熙寧三百卷李心傳朝野雜記云紹興時書籍殘闕小校唐開得王珪所編五朝會要則台建隆至治平其後又分慶曆至熙寧爲一部決科至論云元豐至政和爲續修會要不知卷數洪邁容齋隨筆云國朝會要元豐時三百卷宣和時進百十卷餘四百卷局中節次觀賞故未及上王黼奏罷之書錄解題有續會要三百卷則起元豐至靖康南渡後追輯者疑卽決科至論所云政和之續修會要此北宋之會要也決科至論云建炎至紹興爲中興會要書錄解題云中興會要二百卷自建炎元年至紹興三十二年宋史李

心傳傳云十三朝會要端平三年成書書錄解題云國朝會要總類五百八十八卷李心傳所編合刻於蜀中其板今在國子監玉海藝文云嘉定國朝會要五百八十八卷蓋卽此書宋會要書錄解題五種決科至論四種通志二種通考六種章如愚羣書考索云宋會要有王洙王珪蔡攸江士猷及瀆熙時本所列各不同又南宋會要理宗紀有瀆祐十一年二月鄭清之上會要寶祐二年八月謝方叔上會要度宗紀有成瀆四年八月奉安寧宗理宗會要禮志告禮云瀆祐五年進光寧兩朝會要成瀆四年安奉寧宗理宗兩朝會要三書參差錯見諸家皆不及之宋史藝文志所收書至雜獨不及會要疑其書元時亡矣然玉海及小學紺珠皆載宋會要目二十一類陳均皇朝編年備要其引書自有皇朝會要續會要而其書平敘不辨何條爲癸巳類稿

卷十二

七

會要文孔平仲珩璜新論云按會要本朝廣漢之後也蓋帝號中文玉海輿地紀勝宋史禮志等引會要至多羅願新安志董史皇宋書錄胡三省通鑑注李心傳舊聞證誤藩鎮進奏官引皇朝會要翰林學士引三朝會要宗子獨銜不著姓指揮引中興會要岳珂愧鄉錄引會要續會要中興會要又有典故國朝典故且引會要注宋人夢梁錄引會要祠祀數事洪遵翰苑遺事有國朝會要十一事續會要小事慶元漢書本校錄引國朝會要淳化咸平景德景祐祥定字數程大昌考古編御藥院謂會要不詳所自姚寬西溪叢語載高昌行記亦引會要皆有目類可歸汪君文臺又詒余以宋王彌大所著清溪弄兵錄引續會要二百五十三卷中千三百餘字尤喜錄存之讀元史禮志其議多引宋會要始知其書元時猶存明時文淵閣書目宙宇

號第二櫥有宋會要一部二百三冊缺宏治時新安續志引宋會要云出金之州十顧祖禹讀史方輿紀要引宋會要梁克家中興會要則其書明時猶存今官書著錄存目皆無宋會要而官書

咸京通志引宋會要十餘條崇文總目提要引續宋會要乾隆時

武英殿刊宋史三百九卷兩王延德考證云宋會要謂大名入使高昌者爲于延德是今官有其書何以不著錄或轉從他書引證如于延德之宋會要必出於西溪叢語又疑今無其書乃銳意輯之偶檢鎮江府志其開新河引宋會要天聖七年五月詔徐乾學讀禮通考書目有宋會要及五禮通考中宋會要多全祖望九經字樣跋亦引宋會要或莫今有全書而余所輯癸巳類稿

卷十二

大

八

者已五卷矣疑信之間或作或輟良可歎也會要始於唐唐段公路北戶錄已引之藝文志有二本今不傳今所傳唐會要五代重輯本也漢會要亦後人重輯者金亦當作會要金史張行簡傳云今有國朝集禮至食貨官職兵刑沿革未有成書乞定會典以示無窮惜書未成其云乞定會典乃明時監板校刊者誤改漢唐五代宋會要金人習聞之元有典章明人合會要典章二書始名之爲會典金人必先造會典之名明祭酒監生本陋者不知會要之目乃以意塗改古文關支學俸矣嘉慶庚辰四月二十五日略釐次序之因記其緣起於後

徐松曰宋會要世無傳者余於永樂大典中輯出無慮五六

百卷

宋顏秀獄論

宋史仁宗本紀慶曆八年閏正月辛酉親從官顏秀等四人夜入禁中謀爲變宿衛兵捕殺之後亦置獄迄今不知爲何事兵志刑志俱無之丁度傳云衛士爲變樞密使夏竦諫御史與宜官同於禁中鞠之不可滋蔓令反側者不自安度請付外臺帝從竦言此獄詞之所以不傳然竦議是也曹皇后傳云衛卒數人爲亂夜越屋叩寢殿帝欲起后擁帝呼都知王守忠引兵入賊縱火焚簾后遣人挈水滅之是夜所遣宦侍皆親剪其髮日行賞以是爲驗賊卽擒滅史無王守忠傳其宦者任守忠傳則言仁宗時爲入內都知而不記其事宦者王中正傳則云衛士之變中正援弓矢卽殿西督捕射賊悉就擒遷殿頭供奉意是后呼都知任守忠而擒賊則王中正任守忠未有功故傳不言矣已類稿

卷十二

五

而后傳王守忠則轉寫之譌也夏竦傳云親事官夜入禁中欲爲亂領皇城司者皆坐逐獨楊懷敏降官領入內都知如故言者以爲竦陰結曲庇之胡宿傳云宿言懷敏管幹皇城司公事逆徒旣獲又不生致規滅姦人之口何邾傳云帝言懷敏實先覺察宜有所寬則皇后閣中實懷敏來告變其賊又係中正射死不得謂竦庇懷敏也何邾傳云夏竦倡言貴妃之功諫官王贇遂言則根本起於皇后閣請究其事冀搖動中宮而陰爲妃地帝以語邾邾曰此姦人之謀也乃止不究張貴妃傳張堯佐傳皆無其事蓋楊懷敏直貴妃閣故以懷敏先覺察爲貴妃功其時仕宦氣鬻探刺秘獄各倡一說以自表而獄情寃以獄秘不盡知也曹皇后傳云賊傷宮嬪殿下聲徹帝所宦者以乳媪毆小女子給奏后叱之曰賊在近殺人敢妄言卽則宦侍實

有與顏秀通者傳又云關內妾與卒亂帝覺其死后具衣冠見  
帝不坐立請誅之后蓋有所懲顏秀事蓋姦淫故終秘之今核  
諸文得其概且以見其時譏詠張貴妃者之妄不可信也

癸巳類稿

卷十二

辛

上十一

地丁原始

順治初年一千六十三萬餘口

順治九年一千四百四十八萬三千八百五十八口

順治十八年二千一百六萬八千六百九丁

康熙二十一年一千九百四十三萬二千七百五十三丁

康熙二十四年二千三百四十一萬七千四百四十八丁

康熙四十九年二千三百三十一萬二千二百餘口

康熙五十年二千四百十七萬九百九十九丁

謹案此年丁數為地丁之根安徽百三十五萬七千八百二十九丁徽州府二十一萬四千二百丁黟縣一萬二千三

百八十六丁依

大清會典

雍正本

癸巳類稿

卷十二

大清會典則例

乾隆本

大清會典事例

嘉慶本

欽定撥時通考

皇朝三通戶部則例如此

萬壽盛典初集安徽撫屬舊管新增開除抵補外實在人丁一百四十一萬七百五十九丁新宣等十二衛舊管新增開除抵補外實在八千六百一丁共一百四十一萬九千三百六十丁其數附於五十二年後蓋五十一年丁數也

康熙五十一年二月壬午

九日

諭將直隸各省現今徵收錢糧冊內有名人丁永為定數嗣後所生人丁免其加增錢糧但將實數另造清冊具報豈特有益於人亦一盛事也

康熙五十二年三月十八日

萬壽恩詔但據康熙五十年丁冊定爲常額續生人丁永不加賦

康熙五十二年二千四百六十二萬二千五百二十四丁又一萬九千二百二十丁

康熙六十年二千七百三十五萬五千四百六十二丁

雍正二年二千四百八十五萬四千九百八十八丁

雍正四年

諭丁糧派於各地糧內以雍正五年爲始

謹案滋生丁多是年直省七十以上至百歲以上老民老婦

一百四十二萬一千六百五十二名可謂極古今太平之盛

矣滋生丁永不加賦額丁子孫多寡不同或數十百丁承納

癸巳類稿

卷十二

三

十一

一丁其故絕者或一丁承一二十丁或無其戶勢難完納康熙五十年御史董之燧請統計丁糧案畝均派部議不便更張而止然舍此更無長策故廣東四川兩省先行之雍正元年直隸撫臣請行之二年山西撫臣請行之三年山東撫臣請行之五年竟通行之安徽丁糧自五錢一分九釐至五分不等鹽鈔一丁九釐四毫零合之地畝安徽地丁銀二十萬七千八百八十五兩八錢三分二釐一毫零今會典事例言畝派一釐一毫至六分二釐九毫零不等其徽州丁賦畝銀一錢五釐零休寧一錢一分八釐零婺源一錢四釐零祁門一錢一分七釐零黟一錢三分零績溪一錢二分零均依本科則攤於本地田畝隨徵耗羨婺源祁門每兩一錢休寧績溪八分歙黟七分五釐丁銀多少不同者各以州縣額丁

及地畝數均攤之也後山西以富人田少貧民種地代納丁銀不服至乾隆十年行者八十一州其孟縣等二十州縣縣丁徭地糧分額徵收道光元年孟縣改丁歸地其興縣等十九州縣如故貴州亦多分徵奉天臺灣及廣西之融縣亦丁地分徵也

乾隆八年一萬二百五萬口

按時通考安徽一千二百四十三萬五千三百六十一口

乾隆初年一萬六千餘萬口

乾隆十四年一萬七千七百四十九萬五千三十九丁

乾隆二十二年一萬九千三十四萬八千三百二十八丁

乾隆二十九年二萬五百五十九萬一千一十七丁

乾隆三十七年停五年編審之例各省督撫年底奏報民數穀

數戶部核實具題付之史館

六月十日

癸巳類稿

卷十二

三

八二一

謹案編審之例行者西惟鎮西府迪化州安西州東三省惟奉天錦州其未置府廳州縣地亦不入數

乾隆四十五年二萬七千七百餘萬口

乾隆四十八年二萬八千四百三萬三千七百五十五丁

乾隆四十九年二萬八千餘萬口

乾隆五十一年二萬九千一百四萬餘口

乾隆五十五年三萬一百六十二萬九千九十八名口

乾隆五十七年三萬七百四十六萬七千二百餘名口

嘉慶十一年十二月初七日

諭戶部奏進十年分民數穀數比上年多至二千七百七十二

萬一百十九名

嘉慶十七年戶部冊三萬六千一百六十九萬一千二百三十

一名口

謹案是年丁數安徽三千四百十六萬八千五百九十九丁口是年奏銷冊安徽民田三十四萬九百五頃三十五畝有零屯田四萬一千六百八十六頃五十畝有零蘆田三萬一千五百四十四頃七十二畝有零學田二百三十二頃十八畝有零五尺爲弓二百四十步爲畝三百六十步爲里

謹案天下以戶口爲重古人或虞其脫漏言板籍者議論紛然自丁歸地而賦額不虧吏民不擾熙禩之盛皆康熙五十年

聖恩之所留今天下

皇恩浩蕩碑及亭卽當時士民共記此事者顧久之而人莫知所由然昔見舊賦役全書及通志府志州縣志於康熙五十

癸巳類稿

卷十二

孟

川LX

一年以後戶口或題以滋生人丁或題以不加賦人丁因沿改修並此名目無之士人日抱古書以談丁賦者多谿刻愁苦之詞求之於時事而不見其迹不知古人何故作此語伏讀

聖祖諭豈特有益於人亦一盛事也爰就所逮見官書及京報中之文排比之以論修賦役全書及修志者共知

盛事原起焉道光二年九月初七日記

總河近事考 附編年姓名

河之南合於淮泗始宋金時宋時府州長史兼河隄使通判兼河隄判官有都水監有外都水監有都水提舉有修河司金府州長貳提舉河防縣長貳勾管河防又有巡河官埽官皆屬州縣元泰定二年立行都水監於汴梁至正六年又立行都水監於鄆城爲總治河防使此總治專官之始明初以差遣成化七年有總理河道官八年裁正德三年設總理河道侍郎四年兼僉都御史駐濟寧嘉靖四十四年設總督河道漕運官旋裁隆慶四年總理河道官加提督軍務兩直隸山東河南有河地方兵備道俱屬焉萬曆六年裁總理河道總督漕運而設總理河漕官七年給山東河南北直南直巡撫專敕管河道以漕運兼河道十六年復設總督河道官駐濟寧二十六年又并總理河

癸巳類稿

卷十二

五

881

漕官三十年分河漕三十三年以後稱總理河道亦稱總督河道天啟七年以中官總督河漕

國朝順治時河道總督駐濟寧康熙十七年移清江浦二十七年移濟寧以待郎開音布徐延璽協理駐清江浦三十一年總河移清江浦三十九年裁協理四十四年山東河道交巡撫管理雍正二年設副總河於武陟三年以兩廣總督孔毓珣協理江南河道以前總河靳輔子參領靳治豫督工部侍郎爲協理五年以副總河管山東河南河務六年清江有侍講學士西柱內閣學士尹繼善僉都御史徐承恩協理協辦又靳治豫與奉天府丞黎致遠同在工七年分設南河河道總督駐清江浦改副總河爲山東河南河道總督駐濟寧八年設直隸河道水利總督駐天津曰北河山東河南曰東河江南曰南河是爲三河

四省而僉都御史朱藻協理東河九年設北河副總河於固安  
又設東河副總河十年南河總河嵇曾筠丁憂以高斌署理  
命從嵇曾筠學習時嵇在任守制也十二年設南河副總河時  
三河總河副總河凡六人乾隆元年裁東河副總河移南河副  
總河駐徐州二年副總河俱裁六年復設南河副總河旋裁七  
年兩江總督尹繼善協理河務十三年倉場侍郎張師載往河  
南學習河務十四年張師載協辦河務改直隸河督事歸地方  
總督管理兼支總河養廉於是三河總督河道凡二人而加南  
河協辦河務官其後協辦歸巡漕御史南河以兩江總督總理  
山東河南巡撫亦兼河務十八年布政使富勒赫南河學習河  
務前總河白鍾山以按察使銜協理河務二十二年南河設副  
總河二十三年裁而工部尙書嵇璜留工又以安徽巡撫高晉  
癸巳類稿 卷十二 三 〇〇〇

順治元年

河道總督楊方輿駐濟寧七月任  
錄白旗漢軍廣寧生員

十四年

楊方輿七月加太子朱之錫七月授十月初二到任

請封部駁乾隆四十五年  
進封助順永寧侯爲河神

十七年 十五年朱之錫丁憂在任守制

朱之錫 四月假 楊茂勳 署 鑲紅旗漢軍監生 苗澄 以僉都御史署 朱之錫 三日回任

康熙五年

朱之錫 二月卒 盧崇峻 鑲黃旗漢軍官學生 楊茂勳 十一月調

八年

楊茂勳 調 羅多

十年

羅多 二月調 王光裕

十六年

王光裕 二月罷 靳輔 文襄 六月授 車鑲黃旗漢軍官學生 官立嗣

二十七年 北中三分司部員十七年二月裁撤其河道工程委

癸巳類稿

卷十二

毛

又々々

該地方監司府佐貳管理二十三年十一月初十日  
上臨視武墩工調靳輔云爾前奏將南北河道各分司裁去  
極好他們知得甚麼河道不過每日打圍罷了又問高堰下  
掃防護事宜云前番差人出來看俱是瞻看是看銀子罷了  
見華文襄 沿河書

靳輔 三月罷 王新命 四川文臺人入鑲黃旗漢軍筆帖式

三十一年 徐延璽 俱監理下河工程 靳輔 十一月十日 于成龍 勤

王新命 二月罷 董訥 署 平原人進士 靳輔 九日卒 于成龍 勤

鑲紅旗 漢軍蔭生

三十四年 八月有馮佑協理

于成龍 八月丁艱 董安國

三十七年

董安國 七月罷 于成龍

三十九年 卅八年自協理河務府尹徐延璽江蘇巡撫宋學  
郎中朱成格員外郎赫詒琴登德費揚古張文瑞任

總河奏其無用

于成龍 三月辛 徐廷璽 署 張鵬羽 文端 遂寧人進士大學

四十八年 四十一 年效力內閣學士張榕端侍講張希良侍讀

丁易王 晉樞員外進士禮王登魁刑部主事程兆彪內閣中

書楊守知楊穆外進士禮王登魁刑部主事程兆彪內閣中

張鵬羽 十一月內遷 趙世顯 湘潭人進士

六十年 趙世顯 十一月罷 陳鵬年 恪勤 署 十一月實授

雍正元年

陳鵬年 正月辛 齊蘇勒 勤恪 旗滿洲官學生與靳文襄同

二年 設副總河於武陟管北河 七月雲南布政使李衛有參

副總河 稽曾鈞 文敏 四月授 皇朝奏議

五年 正月副總河兼河南山東河務 先是三年廣督孔毓珣

癸巳類稿 卷十二 壬 八八上

副總河兼河南山東河務稽曾鈞 四月內閣學士尹繼善協

七年 六月止月侍讀學士西村協理又斯治豫與奉天府承黎

致遠同至南河七年六月徐承恩升閣學仍協理南河

是年河督分二副總河 蘇勒 文端 鑲黃旗滿洲進士大學士

副總河 稽曾鈞 三月 尹繼善 三月 欽改署南河督

江南河道總督 尹繼善 四月署至十二月 孔毓珣 溫情 曲阜

河南山東河道總督稽曾鈞 三月 授

八年 九月 僉都御史朱藻 協理北河

南孔毓珣 四月辛 稽曾鈞 署 十月實授

東稽曾鈞 四月 署南 田文鏡 署 正黃旗 沈廷正 鑲白旗漢

九年 九月 設東河副總河

東沈廷正 九月調 朱藻

東河副總河高斌 文定 鑲黃旗滿洲大學士 九月授

十年

東副高斌 三月調 孫國璽 十一月調 阿蘭泰

十一年 十一月派部院賢能司官二員往南河學習河務酌量委辦估工查料等事以二年為期或咨回本任或保留題補

南稽曾筠 四月大學士仍管理 高斌 署

十二年 總河稽曾筠在任守制 七月設南河副總河

南高斌 七月回任 稽曾筠 在任守制

南河副總河白鍾山 莊格 正藍旗漢軍官學生 七月授 十二月升 高斌

東朱藻 十二月調 白鍾山

東副阿蘭泰 十二月升 劉勳

癸巳類稿 卷十二

十三年

南稽曾筠 十二月 高斌 總理海塘 四月回任

南副高斌 劉永澄 裁東副總河

乾隆元年

南副劉永澄 十一月調 德爾敏 十一月罷 缺裁

東副劉勳 十一月罷 缺裁

二年 裁南副總河

南副德爾敏 四月調 缺裁

六年 二月設南副八月裁

南高斌 八月調 完顏偉 鑲黃旗滿洲筆帖式

南副完顏偉 二月授八月升 缺裁

七年

南完顏偉 十二月調東白鍾山

東白鍾山 十二月調南完顏偉

十一年 八月二月兩江總督協理河務

南白鍾山 三月罷 顧琮 署鑲黃旗滿洲周學健 新建人進

十三年 八月倉塲侍郎張師載 江南學督河務 是年

南周學健 閏七月罷 高斌 仍留南河

東完顏偉 三月內遷 顧琮

十八年 八月張師載 協辦南河 十六年三月調安徽巡

副總河張師載 十八年富勒赫 以布政使南河學習河務 七

月參北行本傳未載見 皇朝奏議 十月白鍾山 以按察使

銜協辦南河 七月罷 策楞 署鑲黃旗滿洲世襲公 尹繼善

十九年 癸巳類稿 卷十二 三 〇一七

東顧琮 二月罷 白鍾山

二十年 南河成案 是年劉統勳 署河督 本傳在二十一年

南尹繼善 二月罷 富勒赫

二十一年 是年陳世倌 奏減水墾 事有棄雲梯關外隄議

南富勒赫 十月罷 劉統勳 署大學士 十二月 愛必達 鑲黃

旗滿洲生員

二十二年 設南河副總河

南愛必達 正月調 白鍾山

南副 嵇璜 正月授 文恭無錫人 進士 大學士

東白鍾山 正月調南 張師載 懋敬 儀封人 舉人 蔭生

二十三年 設南河副總河 安福 巡撫 高晉 協理 南河 伏沅 秋

南副 嵇璜 三月內用 缺 文恭 升工部 尙書 仍留查工程

二十六年 二十五年移清河縣治清江浦

南白鍾山 二月卒 文端 鍾黃旗滿洲大學士  
高晉 文定 姪 叔姪 總河

二十八年

東張師載 十一月卒 葉存仁 江夏人 監生

二十九年 是年四月棄雲博關外隕

東葉存仁 六月卒 李宏 正藍旗漢軍監生

三十年 蘇巡撫明德亦協理河務是後南河歸兩江總督總理

南高晉 三月兩江總督 李宏

東李宏 三月調南 李清時

三十二年

東李清時 七月卒 稿璜

三十三年

癸巳類稿 卷十二

東稿璜 九月內遷 吳嗣爵 錢塘人 進士

三十六年

南李宏 八月卒 吳嗣爵

東吳嗣爵 八月調南 姚立德 錢塘人

四十一年 三十九年定銷六縣四頂總河督撫分數

南吳嗣爵 三月內遷 薩載

四十四年

南薩載 正月兩江總督 李奉翰 庫道署尋黃授 正藍旗漢軍監生 前河督李宏子父

東姚立德 四月罷 袁守侗 長山人 監生 陳耀祖 祁陽人

四十五年 是年阿文成桂看海口言不與水爭地

南李奉翰 二月調東 陳輝祖 十二月調 李奉翰

東陳輝祖 二月調南  
李奉翰 十二月調南  
章榮 署尋實授  
四十七年 四月十六年七月  
韓瑛 有令河防歸山東故道奏四十  
前等議遷移至四十九年興築於北六十餘里之墮陽本儀  
封地也

東韓鏗 七月丁艱  
何裕城 署尋實授 靖州人

四十八年

東何裕城 三月調  
李奉翰 南河兼署  
蘭第錫 吉州人舉人

五十四年

南李奉翰 三月調東  
康基田 署 興縣人進士  
蘭第錫

東蘭第錫 三月調東  
李奉翰

嘉慶二年 乾隆五十五年侍郎韓鏗嘉慶元年山東布政使康  
基田督辦南河工程

南蘭第錫 十二月卒  
康基田

東李奉翰 九月兩江總督  
康基田 十二月調南  
司馬駒 江寧人監

癸巳類稿 卷十二

三十八

四年 四月江督費清更議南河總理條款江寧布政使孫日秉  
奏河工不得派地方官

東司馬駒 三月卒  
吳璣 錢墟人進士大學士  
璣前河督吳嗣曾子父子總河

五年

南康基田 二月罷  
吳璣

東吳璣 二月調南  
王秉韶 鑲黃旗漢軍舉人

七年

東王秉韶 七月卒  
嵇承志 無錫人舉人  
文敏姪孫文恭姪三世總河

九年

南吳璣 十二月病  
徐端 德清人監生

東嵇承志 四月內遷  
徐端 十二月調南  
李亨特 正藍旗漢軍  
監生前河

督李宏孫李奉翰子三世總河

十一年 設南河副總河

南徐端 六月改副 戴均元 大庾人進士大學士

南河副總河徐端 六月授

東李亨特 四月罷 吳墩

十三年 僅補還雲梯關外大隄

南戴均元 三月病 徐端

南副徐端 三月河督 邢彥成 文毅 正白旗滿洲進士

東吳璣 六月內遷 馬慧裕

十四年

南徐端 正月內遷 吳墩

南副邢彥成 正月罷 徐端

東馬慧裕 七月調 陳鳳翔 崇仁人監生

癸巳類稿 卷十二

十五年 補還雲梯關外南北大隄以次興築兩江總督松筠請

逢灣取直徐端奏係遵照舊章程辦理是年裁南河副總河

南吳璣 八月病 徐端 十二月罷 蔣攸銛 鑲藍旗漢軍進士大

浙江巡撫 陳鳳翔

南副徐端 八月總河 缺裁

東陳鳳翔 十二月調南 李亨特

十七年 十六年尙書吳璣幫辦南河

南陳鳳翔 八月罷 黎世序 襄勤 羅山人進士有專祠

十八年

東李亨特 九月罷 戴均元

十九年 設東河副總河

東戴均元 正月內遷 吳墩



東巖煊十月病林則徐候官人進士

十二年閏九月論內閣翰詹六部都察院各保送一員引見發東河南河學習二年為期由河督分別送部引見及咨回本任每兩年揀派一次其大挑試用照舊例

東林則徐二月調吳邦慶霸州人進士

十三年正月派京員徐法績盧毓嵩德克金布往東河朱襄會錫恩何俊黃世銘往南河交總河差遣委用  
南張井病鹿慶鑲黃旗滿洲進士張井署鹿慶

癸巳類稿

卷十二

三

一一一

時憲書後葉事述

乾隆三十五年頒三十六年時憲書後葉紀年甲子兩周一百二十年其以前成列止載周甲六十歲也案宋時宋敏求春明退朝錄云至道二年十一月司天監請歷曰甲子外更留二十年詔存兩周甲子共成上壽之數宋史太宗紀云至道二年十一月丁丑朔增司天新歷後一百二十年甲子兩周律歷志三云至道二年司天冬官正楊文鑑上言新歷甲子請以百二十年有司以無所依據議寢之太宗曰支子相承雖止於六十儻再周甲子成上壽之數使期頤之人得見所生之年不亦善乎是宋有此制而退朝錄更留二十年當作六十年也范成大攬轡錄云金天輔元年至大定四年止四十八年小本歷通具百二十歲相屬某年生撰造重熙清寧咸雍太康大安壽隆乾統癸巳類稿

卷十二

三

七十一

天慶收國七十二年岳珂愧鄉錄糾之云金天輔之前乃故遼年號非是撰造今案收國亦金年號金太祖於遼天慶五年稱帝紀元收國是兩說具未審又不知范成大何以謂之小本歷其通紀一百二十年則未遼金皆用其制今以范成大所見本推其式大定四年一歲以次追列乾統五年六十歲乾統四年六十一歲重熙十四年百二十歲生也宋亦嘗用此式不知何時復用六十年至乾隆時又增之惟求古式卽以小本歷言若六十一歲生卽列於大定四年一歲生下不當復有乾統四年以前重熙等年號是所列爲百二十行今民間所用本止六十行蓋乾隆時監中以惜紙起見按宋史宦官閹文應傳宮中謂歷曰爲百葉古本葉多也葉多則百二十行六十一歲人得見所生之甲子亦得見所生之紀年此古今本不同也又時憲書

冊尾外葉嘉慶二十一年十一月刪除翻刻官本無欽天監時  
憲書印云云其市肆選擇別本亦不禁也

癸巳類稿

卷十二

七

八十一文

板閘喻

明於臨清汶口博閘下置板閘其法至善所謂下行則灌塘上行則倒塘凡閘河之制皆如此埽壩灌塘倒塘亦如此然而文雅之儒不能知也則爲之喻曰明嘉靖三十四年春倭至塘棲浙江巡撫閉杭州城鄉人號泣於城下提督學政僉事道阮鶚請啓內門列兵月城中卽閉內門開外門僉收鄉民滿月城則閉外門檢實開內門納之又閉內門開外門以納民而奸人不闖入卽兩閘法也然而杖策趨工之人不能知也則又爲之喻曰虎生三子二虎一彪彪能害虎將渡水虎母遲迴久之乃負彪過旣乃負一虎過遲迴久之乃負彪反置之而負一虎過卒乃復負彪過其三負彪卽兩閘法也

除樂戶丐戶籍及女樂考附古事

開國方略崇德三年秋七月丁丑

諭曰禮部承政祝世昌奏請禁止陣獲良人婦女賣充樂戶一疏祝世昌豈不知樂戶一事朕已禁革

貳臣傳館稿崇德三年祝世昌疏言俘獲敵人婦女有籍入樂戶者請概釋奉

旨交諸漢官會議石廷柱馬光遠等謂世昌心護敵人與奸細無異應論死籍沒

命從寬流徙西北邊境順治三年召還終侍郎諡僖靖

康熙會典教坊司順治初凡

東朝行禮筵宴用領樂官妻四名領女樂二十四名隨鍾鼓司引進在宮內排列作樂

癸巳類稿

卷十二

五

欽定八旗通志職官順治元年沒明制設教坊司以掌宮懸大樂

京報順治八年六月戊申定

皇太后

皇后樂用丹陛樂樂人太監二十四名

康熙會典教坊司順治八年改女樂用太監四十八名

大清會典事例樂部典樂順治八年奉

旨停止教坊司婦女入宮承應更用內監

按簪雲樓雜說云順治壬辰禁良爲娼以喪亂後良家女被掠展轉流落樂籍其誤落於娼家許平價贖歸壬辰九年也

康熙會典教坊司順治十二年復用女樂四十八名

皇朝通考樂考樂舞臣等謹案云初制分太常教坊二部教坊

則由各省樂戶挑選入京充補順治八年停止女樂用太監十二年仍改女樂至十六年復改用太監遂爲定制

雍正會典刑部名例上雍正三年律例館引順治十六年裁革女樂

康熙會典教坊司順治十六年添設

慈寧宮中中和韶樂俱用太監演習

原注現行例同雍正會典及注並同

雍正會典禮部進春儀康熙十二年覆準直省府州縣拜迎芒

神土牛勒令提取伶人娼婦者嚴行禁止

按香祖筆記云提州舊例府僚迎春瓊花觀以妓騎導太守節推各四人同知以下二人歸而宴以侑酒府吏因緣爲姦

利子語太守罷之按文簡以順治十六年得揚州推官康熙

五年行取北上所言蓋在康熙十二年官禁之前又按畫舫

癸巳類稿

卷十二

四

X 6 11

錄云先沿明樂戶立春前一日令官妓扮社火春夢婆一春姐二春吏一皂隸二春官一至康熙間裁樂戶遂無官妓以

燈節花鼓中色目替之

京報雍正元年夏四月戊辰除山西陝西教坊樂籍改業爲良

秋九月丙申除紹興惰民丐籍

皇朝文獻通考

王禮考

秦陵聖德神功碑自明初紹興有隋民靖難後諸臣有抗命者子女多發山西爲樂戶數百年相沿未革一旦去籍爲良民

命下之日人皆流涕

皇朝通志食貨略五雍正元年時山西省有日樂籍浙江紹興府有日隋民江南徽州府有日伴傭寧國府有日世僕蘇州之

常孰昭文二縣有曰丐戶廣東省有曰蟹戶者該地方視爲卑賤之流不得與齊民同列甲戶

上其憫之俱令削除其籍與編氓同列而江西浙江福建又有所謂棚民廣東有所謂寮民亦照保甲之法按戶編查臣等謹案樂籍因明永樂時不附靖難兵遂編爲樂籍世世不得爲良者

太清會典樂部典樂雍正元年始除樂戶籍更選精通音樂之

人充教坊樂工

八旗通志職官同

條例約編安徽布政使禮部區別流品乾隆三十一年部文引

雍正元年禮部覆準御史鳴爾泰條奏紹興府八邑之隋民行令該撫削除其籍俾其改業自新毋得習爲汙賤奉

旨允行

癸巳類稿

卷二二

三

又三又

條例約編禮部區別流品乾隆三十六年部覆山西學政劉墀條奏引雍正元年御史年熙鳴爾泰先後奏準山陝樂戶浙江丐戶行令該撫除其賤籍俾改業自新得爲良民

雍正會典刑部名例上雍正三年律例館奏準令各省俱無在官樂工順治十六年裁革女樂後京城教坊司並無女子

京報雍正五年夏四月癸丑

諭習俗相沿不能振拔者咸與以自新之路如山西之樂戶浙江之隋民皆除其賤籍使爲良民所以勵廉恥而廣風化也

雍正會典刑部戶律戶役一各省樂籍並浙省隋民丐戶皆令確查削籍改業爲良

雍正五年定本

八旗通志職官雍正七年改教坊司爲和聲署

通考職官考同

高宗純皇帝御製詩二集辛未和聲署詩序向來和聲署禮部

主之遇正朝慶賀取市販鼓吹者流充其數音節舛錯不可問  
既審訂音律乃命易以內府承值

京報乾隆三十六年夏六月庚辰禮部議覆陝西學政劉墀山  
陝之樂戶浙江之丐戶雖編籍由來無可確據而其相承舊業  
實屬卑汙應請以報官改業之人爲始下逮四世清白自守方  
許報捐應試其廣東之蠶戶浙江之惰民九姪漁戶乃各省凡  
有似此者均照此辦理

高宗純皇帝御製詩四集丁酉用白居易新樂府上陽白髮人  
我朝初亦歷代沿康熙年間其數不盈千雍正其數更減十之  
七乾隆無一女樂逮今四十年

欽定曰下舊聞考乾隆四十八年書應徵臺寫字內城東城一  
面皆一律平據今人多依此式祈津日記京師皇華坊有東院有本司衙衙本司者教坊司也

癸巳類稿

卷十二

三

608

又有句欄衙衙演樂衙衙相近復有馬姑娘宋姑娘衙衙粉子  
衙衙出城則有南院皆舊日之北里也臣等謹案本司衙衙句  
欄衙衙馬姑娘衙衙在四牌樓南宋姑娘衙衙粉子衙衙在四  
牌樓北今雖仍其名而明時汙俗洗滌盡矣此案應補演樂衙  
衙今改張藥衙衙

樓南  
在四牌

京報乾隆五十九年夏五月戊戌  
諭至於女樂自卽位以來卽不用

附古事

左傳襄公二十三年正義云近世魏律緣坐配沒工樂雜戶者  
皆用赤紙爲籍其卷以鉛爲軸魏書刑法志云孝昌以後天下  
淆亂法令不恆或寬或猛及爾朱擅權輕重肆意在官者多以  
深酷爲能至遷鄴京畿羣盜頗起有司奏立嚴制凡強盜殺人

者首從皆斬妻子及同籍配爲樂戶其不殺人及賊不滿五匹魁首斬從者死妻子以爲樂戶小盜賊十匹以上魁首死妻子配驛從者流後以孫騰言復用律令此實樂戶沒籍之初見按左傳云斐豹隸也著於丹書隸卽周官司厲入於罪隸之隸隸卽樂人新序雜事四云鍾子期夜聞擊磬聲者而悲旦召聞之對曰臣之父殺人而不得臣之母得而爲公家隸臣得而爲公家擊磬臣不覩臣之母三年矣昨日爲舍市而覩之意欲贖之無財身又公家之有也然則隸爲樂工又女在市又身爲公家之有卽樂戶矣樂戶卽營戶者晉書樵縱傳云益州營戶李騰開城納縱營戶軍士職不同也魏書文帝紀云沃野統萬二鎮敕勅叛滅之徙其遺送於冀定相三州爲營戶按隋書梁彥先傳云初齊亡後相州衣冠士人多遷關內惟技巧商販及樂戶

癸巳類稿

卷十二

三

861

之家移賈州郭當卽魏時所移敕勒營戶魏書食貨志云天興中詔採諸漏戶於是雜營戶帥徧於天下不隸守宰始光三年詔一切罷之以屬郡縣是年紀不載而閻宦仇洛齊傳有之其後則高祖時蔣少游傳云以齊樂安人被獲入平城爲平齊戶則亦郡縣雜戶也北齊書後主紀云武平七年二月括雜戶女年二十以下十四以上未嫁者悉集省隱匿者家長處死刑南史沈慶之傳亦云慶之前後所獲蝥並移都下以爲營戶是南北朝營戶多係獲虜魏則兼及強盜妻子按漢書李陵傳云時關東羣盜妻子徙邊者爲辛妻婦大匿車中謂載衣糧車也則其法亦非魏所創立也又古女子入春人墓人三國時魏志毛玠傳云黥面反者其妻子沒爲奴婢鍾繇言漢律罪人妻子沒爲奴婢黥面今眞奴婢祖先有罪雖歷百世猶有黥面供官則

是內沒掖庭外配驛配兵戶籍不脫實爲虐政隋書刑法志云魏晉相承死罪重者妻子皆以補兵魏虜西涼之人沒入名爲隸戶後齊因之建德六年平齊詔凡諸雜戶悉放爲百姓自是無復雜戶是其事宇文周時一清滌矣隋書萬寶常傳云父大通梁人也歸於齊謀還江南事泄被誅寶常被配爲樂戶是以時配入者裴蘊傳云大業初奏括天下周齊梁陳樂家子弟皆爲樂戶增益樂人至三萬餘唐律名例三疏議云工戶屬少府樂戶屬太常並不貴州縣雜戶屬諸司舊唐書職官志都官云坐沒官奴婢一免爲蕃戶再免爲雜戶三免爲良人唐書百官志云其籍仲冬按比樂工及獸醫等取焉是籍沒奴婢亦樂工太宗諸子傳云承乾命戶奴數十百人專習伎樂謂之戶奴者是爲奴入樂戶蕃戶也爲奴之官婢漢官舊儀云給使尙書

癸巳類稿

卷十二

四

八三〇

侍中皆使官婢宮殿中宦者署郎署皆官奴婢其法給尙書郎女侍史二人皆選端正者從直女侍史自止車門執香爐燒熏從入臺議衣事同妓妾而無常夫張安世傳云郎淫官奴婢兄告之安世言奴用恚怒汗誣衣冠劉歆與揚雄書言五官中郎田儀與官婢陳徵駱驛等姦汗私逋盜刷越巾揚雄復書言儀淫迹汗暴於官朝嵇康高士傳云北海王君公以明易爲郎自汗與官婢通免歸古旣使官婢從直又以私通爲罪其制不可曉王莽傳云民犯鑄錢伍人相坐沒入爲官奴婢其文數見至十一年則云到者易其夫婦是男女分隸故別配後漢書劉盆子傳光武言赤眉獨有三善攻破城邑民安如故不擄略無給配也若無所改易此一善也蓋收城邑民安如故不擄略無給配也若擄略爲奴則不歸於其夫或掖庭籍沒唐書肅宗女和政公主

傳云阿布思妻隸掖庭帝宴使衣綠衣爲倡是唐以前爲奴掖  
庭卽爲倡也北史崔昂傳云律文婦女年六十以上免配官唐  
則六十皆一切爲蕃戶七十皆一切爲良亦謂皆不足使耳輟  
耕錄云今以妓爲官奴卽古官婢按唐書林蘊傳云爲邵州杖  
殺客陶元之投其尸江中籍其妻爲倡是倡卽官婢推夏時有  
女樂管子輕重甲云昔者桀之時女樂三萬人端諫晨樂聞於  
三衢是無不衣文繡衣裳者伊尹以薄之游女工文繡纂組一  
純得粟百鍾於桀之國墨子文亦同鹽鐵論力耕篇云桀女樂  
充宮室而女樂終廢其國其女樂不知以何等入爲之春秋時  
陳使婦人飲宋萬酒鄭賂晉悼公女樂二八齊饋魯女樂韓詩  
外傳云越攻吳諸侯畏其威魯往進女監門之女嬰其姊與焉  
兄往視之道異而死古或以繫虜敵國婦人爲女樂又或其君

癸巳類稿

卷十二

望

0110

自不以道取民亦非盡由竿戮也齊桓公時女閭蓋就其類區  
別之如士鄉工鄉之義太平御覽引吳越春秋云越王句踐輸  
有過寡婦於山上使士之憂思者遊之以娛其意今趙書無其  
文當是楊方書也越絕書云獨婦山者句踐將伐吳徙寡婦置  
獨山上以爲死士示得專一也後之說者蓋句踐所以遊軍士  
也是時有遊軍士之說越絕以意辨之然古實有軍市書費誓  
云臣妾遺逃無越逐又云寇攘踰垣牆誘臣妾則軍中有妾別  
置垣牆夏官量人云營軍之壘舍量其市朝州涂軍社之所里  
商子鑿令篇云令軍市無有女子輕隋之民不遊軍市則農民  
不淫知軍市本有女子行軍時臣妾役罷別置市區仍以軍名  
之農民亦得遊焉卽女閭之謂軍營有鼓吹故女樂獨在軍營  
太常無有也漢書馮唐傳云趙將李牧軍市之租皆自用饗士

漢魏尚爲雲中守軍市租盡以饗士卒是軍有市如齊女閭之入胡建傳云監軍御史穿北軍壘垣以爲賈區建爲軍正丞斬御史亦見說苑指武爲蓋屯衛之軍市垣事同費誓垣牆改爲賈區則姦利也漢書丙吉傳云爲車騎將軍軍市令後漢書蔡遵爲光武軍市令是一軍各一市而越累及寡婦秦發女子無夫家者萬五千子尉佗魏武帝錄寡婦以配軍士魏志杜畿傳注引魏略云初畿在郡東被書錄寡婦他郡或有自相配嫁依書皆錄奪謂送錄問書後畿但取寡者未據及趙儼代畿所送多謂穎畿曰前所錄亡者妻今儼送生人婦也明帝紀注引魏略云吳蜀數動帝錄奪士女前已嫁爲吏民妻者還以配士既聽以生口自贖又簡選有姿色者納之後庭北齊書神武紀云武定三年十月釋芒山俘配以民間寡婦文宣紀云天保六年

癸巳類稿 卷十二

吳 685

三月發寡婦配軍士七年九月發山東寡婦二千六百人以配軍士有夫而濫奪者五分之一隋書煬帝紀云大業十三年九月帝括江都人女寡婦以配從兵裴矩傳云矩召江都境內寡婦及未嫁女皆集宮監又召將帥及兵等恣其所取因聽自首先有姦通婦女及尼女冠等並卽配之明沈德符野獲編云正德時在揚州刷處女寡婦又云凡刷婦女之所見人頭懸挂滿壁非必有過寡婦也亦汙於軍令是爲人倫奇厄魏晉補兵之法亦是刑家寡婦官抑配之南朝宋制劫盜同籍期親補兵薄道舉爲劫其叔母以例補兵則宋文帝時事隋書刑法志言梁制大逆者母妻姊妹及從坐者妻子妾女同補奚官爲奴婢其劫盜者妻子補兵補兵或得配軍士或入軍市奚官奴婢爲倡宋書後廢帝紀云與右衛營女子私通每從之遊持數千錢爲

酒肉費齊書前廢帝紀云夜開後閣與左右淫宴諸營署皆軍市也唐則曰營伎亦曰官使婦人舊唐書宇文融傳云廣集兩縣官使婦人唱之是也樂府解題引作官伎女子是未解名義營伎亦曰風聲婦人取古文尙書表厥井里樹之風聲之義言各爲一市唐語林云牛僧孺謂杜牧曰風聲婦人有顧盼者又云牧子晦辭過常州眷妓朱良守李瞻以良贈行曰風聲賤人員外何必爲之大哭是也新唐書董晉傳云孟叔度數入倡家舊唐書傳作數至樂營與諸婦人嬉戲談寶錄亦同北夢瑣言云東川董璋開筵李仁矩不至乃與營伎曲宴又司空圖詩云處處亭臺止壞牆軍營人學內人裝是唐伎盡屬樂營其籍則屬太常故堂牒可追之五代史王峻傳云相州安陽人父豐本郡樂營使洞微志云宋景德時馮敢唱喝馱子十四姨言此曲

癸巳類稿

卷十二

星 88 文 11

單州營妓教頭葛大姊所撰梁祖村後騎唱之名葛大姊後諺喝馱子是五代樂營配兵有使有教頭玉堂閒話云晉乙未歲時唐清泰二年鄭州民及軍營婦女填咽道路執錯綵小旗子晉祖府忻州插僕射岐中宋史王景傳云晉時封涼國公謂高祖曰臣昔爲卒營負胡牀從隊長出入屢過官妓侯小師家意甚慕之是晉時有樂營婦女官妓也五代史晉書桑維翰傳云相州管內所獲盜賊皆籍沒其財產言是河朔舊例維翰以律無明文具奏之詔今後凡有賊人準格律定罪不得沒納家貲天下諸州準此處分晉書高帝紀在天福四年歲己亥九月辛巳刑法志亦同原盜賊家屬配兵其人已亡故家貲配沒律文所不載而相州有之與隋梁彥先傳同蓋沿魏齊周隋之俗不用律文諸州準此今詔家貲不沒納則必留其人不配兵入樂營是其事至後

晉時又一清滌矣其舊醜籍者在也宋時官妓名弟子熙豐日厯云均州奏言編管練亨甫與兄劼弟冲甫收養女弟子魯麗華踰濫毆打樂營將申舉送司理院昭對朱子文集按唐仲友第三狀云悅營伎嚴蕊欲係以歸又云都行首嚴蕊是亦以軍行名程大昌演繁露云今謂優女爲弟子命伶魁爲樂營將朱彧萍洲可談云娼婦諸郡隸獄官以伴女囚近世以迎使客侍宴謂之弟子其魁謂之行首禮志賜酺云自丹鳳樓前至朱雀門集開封府諸縣及諸軍樂人列於御街則宋時有隸軍者有隸郡者宋史仁宗紀云天聖九年閏九月詔營婦配南北作坊者釋之刑法志云婦人應配則以妻窳務或軍營致遠務卒之無家者著爲法叛臣傳云初張邦昌居內廷華國靖恭夫人李氏擁邦昌高宗下李氏獄詞服賜邦昌死李氏杖脊配車

癸巳類稿

卷十二

四六〇三十一

營務是先朝宮掖有秩者亦爲營婦配作坊夢梁錄云紹興時楊沂中於杭城內外創立瓦舍招集妓樂以爲軍卒暇日娛戲之地謂之瓦者沿北朝契丹瓦里之省仍屬軍營又官酤用妓王栒燕翼貽謀錄云熙寧新法行散青苗錢於設廳而置酒肆於譙門民持錢出者誘使飲命妓女坐肆作樂差兵官列柳杖以彈壓之名曰設法賣酒南渡官賣酒列妓樂無復彈壓之制清波雜志云權酤恐飲不多課不羨甚至設法集妓女以誘其來夢梁錄云酒庫皆有官名角妓設法賣酒此又軍瓦之外宋政之醜者也宋汴京時謂之河橋雜戶遼謂之瓦里金謂之監戶遼史百官志云某瓦里抹鶻國語解云抹鶻瓦里司之官十二宮職名云某瓦里內族外戚世官犯罪沒入瓦里營衛志云籍沒著帳戶伶官皆充之兵志云宮衛有瓦里七十四刑法志

云籍沒之法首惡之屬沒入瓦里金史刑法志無文食貨志云凡沒入官良人隸官籍監爲監戶沒入官奴婢隸太府監爲官戶又云本戶漢戶契丹戶餘謂之雜戶無樂戶之目而百官志宮籍監掌內外監戶地土錢帛小大差撥其教坊提點自隸宣徽院歸潛志云御史大夫合住因事至宿州紇石烈牙互帶鎮宿泗使妓侍寢遲明將發使妓開合住篋取繒帛曰豈有官使人而不與錢者是金內外皆有官妓也元亦有官妓蓋土娼流娼因籍之輟耕錄箕谷筆談並云玉堂設宴歌妓羅列有名賢後賣入娼家姚文公遣使詣丞相三寶奴請爲落籍此猶史記貨殖列傳言倡優女子奔富厚漢書禮樂志言庶人以求財或爲親所賣或爲人略賣韓詩外傳言楚樊姬遣人之梁鄭之間求美人進之於王舊唐書李絳傳云元和時教坊忽傳密旨取

癸巳類稿

卷十二

男

八十一

良家士女及衣冠別第妓人絳論奏帝曰教坊不喻朕意朕絳丹王以下四入院中都無侍者令於樂工中及閭里有情願者厚與錢祇取四人四王各與一人亦買賣人也宋人厚德錄言倡優在杭州養良家女爲己子沈內翰文通知州奪歸其父母宋史言高宗罷廉州貢珠縱蟹丁自便而其後蟹戶船仍習卑汙亦其證也明史劉基傳云會以早求言基奏吳將士降者皆編軍戶足干和氣解縉傳云洪武二十一年封事言太常非俗樂可肆官妓非人道所爲爲善者妻子未必蒙營有過者里胥必陷其罪律以人倫爲重而有配給婦女之條劉辰國初事蹟云太祖立富樂院於乾道橋復移武定橋後以各處將官妓飲生事盡起妓女赴京入院是洪武時制以舊樂籍人及擄獲降附人爲樂婦及給配人其姦汙勢所不免若抑勒姦宿淫賤

見之詔旨科條者實始於永樂王世貞兗州史料南京法司所記云永樂二年十二月十二日教坊司題卓敬女楊奴牛景先妻劉氏合無照依謝昇妻韓氏例送淇國公處轉營姦宿檢明史邱福傳封淇國公爲中軍都督府左都督是仍在京師也南京法司所記又云永樂十一年正月十一日教坊司於右順門口奏齊泰姊及外甥媳婦又黃子澄妹四個婦人每一日一夜二十餘條漢子看守着年少的都有身孕除生子令做小龜子又有三歲女子奏請聖旨奉欽依由他不到長大便是個淫賤材兒又奏當初黃子澄妻生一個小厮如今十歲也奉欽依都由他國朝典故立齋開錄同又云鐵鉉妻楊氏年三十五送教坊司茅大芳妻張氏年五十六送教坊司張氏病故教坊司安政於奉天門奏奉聖旨分付上元縣擡出門去着狗喫了欽

癸巳類稿

卷十二

五

十一

此大方有希董集言妻張氏及女媧皆死於井未就

兗州史料

立齋開錄鄭曉今言黃光昇昭代典則並言仁宗卽位永樂二

十二年十一月御札禮部尙書呂震三書作禮部昭代典則作刑部曰建文中

姦臣家屬初發教坊錦衣衛浣衣局習匠功臣家奴今有存者

並宥爲民給還田土而明史仁宗本紀止云十二月癸酉宥建

文諸臣外戚全家戍邊者留一人餘悉放還呂震傳則無之此

事古今奇聞也大明會典九十五云景泰七年議準原係民戶

今爲樂戶許令改正其樂戶內有願從長者聽其自首與民一

體當差是已有豁除之機惜景泰不終於位不復承行其娼妓

見外紀者何喬遠名山藏江旭升皇明通紀集要隆慶中禁此書見野獲編

歸樂籍乃自溺死詔立雙貞祠祀焉事有年月奏案而明史列

楊慎云此書本梁億所撰並云嘉靖十年十一月盱眙縣民何雄有二女欲

女無之檢一統志

乾隆年

及江南通志

趙宏

則是雄養女一名

春景一名進喜

投淮水死水為逆流亦不載立祠其事官私書

雜出又野獲編言口外四絕一曰大同娼娘大同代簡王所封

樂戶較他藩多數倍今在花籍者尚二千人京師城內外不逮

三院者大抵皆大同籍中溢出流寓古所謂路岐散樂者是也

明官私妓如此呂崇明朝小史載史可法檄云齊姜宋子相率

而入平康乃軍市沒教坊之流禍致李闖施之明臣嗚呼孽矣

古今言樂戶者多引為淫昏口實不究其原與其所以異又或

官無立制又斥其無廉恥偽邊抑之以網其賄又軍中婦女被

法抑配宋史明鑄傳云知并州守堡寨軍行娼婦多從之鑄欲

驅逐惡傷士卒心會有憤爭殺娼婦者吏執以白鑄鑄曰彼來

軍中何也娼婦聞之皆散走兵暫出戍不當有女樂鑄偽為不

娶已類稿

卷十二

至

XII

悉者深得權術之宜漢書李陵傳云搜得皆劍斬之本係配抑

女子陵之所行與流賊土寇何異自三代至明惟宇文周武帝

後晉高帝金元及明景帝於法寬假之而尚存其舊餘皆視為

固然

本朝盡去其籍而天地為之廓清矣漢儒歌頌朝廷功德自云

舒憤懣除樂戶之事誠可云舒憤懣者故列古語瑣事之實有

關因革者如此

原相上篇

孔子三朝記少閒篇云堯取人以狀舜取人以色文王取人以  
度文具大戴禮史記儒林列傳云太常擇民年十八已上儀狀  
端正者以補博士弟子有古法也鄭語言周王惡角犀豐盈而  
近頑童窮固韋昭注云角有伏犀輔頰豐盈皆賢明之相周王  
不知相人法不本堯舜文王以狀色度取人之意以致王道息  
絕唐李揆亦有獐頭鼠目之歎儒者立論不依據聖人而徒傳  
合荀卿取悅窮固之人豈有當哉荀卿所舉古聖賢皆是異表  
非謂其陋其言美者乃似婦人失男子之度其爲不肖正合相  
人之法相人者左傳有內史叔服荀子史記有姑布子卿唐舉  
史記又有呂公許負等又相黥布衛青皆王侯在漢書藝文志  
相人法書流傳之前固有驗也叔服稱叔孫穀豐下杜預注云  
突已類稿

卷十三

一

蓋面方而必其有後則古人出師命將必取方面大耳因天因  
人之意儒而愚者何足知之姑布子卿言天之所授雖賤必貴  
此言三代以後由草茅而貴富者多矣周語云叔孫僑如上方  
而下銳宜其觸昌人呂覽達鬱尹鐸云臣嘗聞相人于師敦顏  
而土色者忍醜謂趙簡子史記趙世家云白起小頭而銳上斷  
敢行也童子黑白分明見事明也視瞻不轉執志強也則由相  
貌以知心術蓋孔子所述堯舜文王取人之法荀卿非相而孔  
叢子執節篇子慎曰聞之荀卿長目而豕視者必體方而心圓  
以其法相人千百不失與左傳商臣蠶目國語叔魚虎目爲不  
善之法同是苟非相而實傳其正法也左傳稱宋痤美而狼佐  
惡而婉晉語稱知瑤美鬢長大狼在心史記褚先生稱或醜惡  
而宜大官或美好佳麗而爲惡人患其美惡特依俗人言之求

之相法則美惡定矣歷觀古術皆有所出古聖人或由之以致  
秦平不容以已見非之藝文類聚引莊子云今莊子無孔子舍於沙  
邱見至人曰辨士也其口窮蹠其鼻空大其睫流堯舜文王孔  
子皆用相人法不可非也漢黃憲以器宇勝人天下後世莫能  
攜其非虞翻通儒而骨節不媚吳志稱其多見毀謗獨非以相  
哉古之聞人多著非相語止迂拙皮曰休立一難曰類禽獸反  
富貴不悟人性至貴物各得人一體故還於物徵之類禽獸之  
談曰休又何取於皮而氏之也哉蓋悍而拙矣

孔叢聞之荀卿一本作聞之鄉人

癸巳類稿

卷十三

二

原相篇中

用人之法萬世不能易也試之而已有威可畏有儀可象而慮其不達於政也則試之亦以成之也有入於此望而知其兇暴疲悞亦試之則必敗矣天下事可嘗試焉如此乎然則如之何曰相之相者在昔聖賢明智考驗而得之者也天之雨暘可望雲氣而知也地之沙土可望山水而知也十二月之氣平土埋管而候之以次應焉何也習也今日應於此而兆如此驗於彼而兆如彼合而論之其情見矣非有鬼神考驗之功然也行於野見麥苗焉知其爲麥見稻秧焉知其爲稻其成實而用之也或供上或自饗或糶人或爲衆盛或爲食爲糜爲淪爲養爲餅不可知也則試之之說也若非相則是見麥而疑爲稻見稻而惑於麥必待其成而知之古人何言張中種穀火中種黍菽盧癸已類稿

卷十三

三

中種麥未種而先定其名也非相者曰是猶馬之子爲馬雞之子爲雞以其種知之非相法也曰以其種知之亦由相形而得也見其種而知其物見其人而不知其善惡是必見人而不察其官骸記其容止者也然則辨種者可爲神農氏道而難爲不辨菽麥者言也今夫見桃樹者知其實甘見梅樹者知其實酸夫桃與梅之樹非有甘與酸之理可推也見雁者知其爲南北之信鳥而無緣獨責雁以信埽戶之時見蠨蝸焉蠨蝸方逃也三尺童子能知之曰是緣壁結網者何以知之以向者食而知其甘酸數其南北而拂其網故覩其形而知其性也若非相則食糟而難桃之甘食瓜而難梅之酸指鳥而告人曰是亦羽族何有南北之信以鼠婦而難長踦不揣其本復不齊其末智不若童子矣考驗者聖人曰爲其難者也相人之法聖人詒後人

以易者也神農嘗百草一日徧七十二毒而方藥傳焉今不信  
方藥曰草木之性何由辨形知之不服參苓而餐烏頭迨其知  
之悔之晚矣蜂細腰者螫人黃蜂則不矣青蠅營營然變黑白  
蒼蠅聲亂人不可使同罪也是於其相知之蛇之類多矣古人  
問無恙亦問無蛇而蜈蚣吞鹿不吞人人赴之以形可識也若  
不信形而非相則將見肉而不敢食見衣而不敢衣見日而不  
信其晝見星而不信其夜也寶其貝焉而曰黑白各半不使人  
寡黃唇點齒有赤駁不使人驚黑鼻無皮不使人病瘡赤帶通  
脊不消胎赤幟內殼赤絡不使人善忘青唇赤鼻不使人愚淫  
脊上有縷句脣不使童子盜則亦佩之而已古人何與焉豪駝  
一也明駝千里馬則同也而毛束皮束筋束肉束骨者  
天下馬也人則比而同之然則天有十日人無十等彼都人士  
突已類稿

卷十三

四

何以爲萬民之望也舜爲聖天子頂羽目與之同孔子聖人陽  
虎貌與之同故龍有九或司雲雨或爲萬物災鳳有五或爲瑞  
或爲妖聖人於相貴審也古之相人書不可得矣今於人面分  
部限行年亦古法也象身具十二禽肉正月膽在虎肉二月兔  
肉十二月牛肉熊膽春首夏腹秋左足冬右足是有何理哉古  
人積驗數十象熊而始知之故日相法者厯考古之賢達形狀  
年歲事迹而比合之而非相者乃肆其無稽之辭也

原相下篇

孔子之言曰吾以貌取人則失之子羽鄭之醜夷亦貌惡人也著於經典此少不得難多暫不得難常也孔子門人三千獨子羽以貌寢聞然明之賢不先於子美又二人貌惡非定爲愚陋之狀也元者德全無與於七竅別而能武宮而著書是在神明也苟卿曰相形不如論心論心不如擇術形不勝心心不勝術陶宏景曰相者性命之著乎形骨吉凶之表乎氣貌劇談錄云丁重相駙馬都尉判鹽鐵于棕言風儀秀整禮貌謙抑如百斛重器所貯尙空其半安使不益於祿位哉淡旬果大拜後漢書趙壹傳云壹魁梧美須豪眉袁逢使善相者相之云仕不過郡吏竟如其言壹強干袁逢羊陟以買名又激皇甫規以爲高蓋猾吏之雄非正氣此相之可前知者也漢書言王莽時甄豐子

癸巳類稿

卷十三

五

BLI

尋被誅莽聞其手文有天子字解臂視之曰此一大人也一曰一六子六近戮言豐尋皆當戮死晉書言成帝時晉寧有人謁止車門言王和女可足下有七星星毛長三寸當爲天子后詔誅其人並下晉寧郡誅可此則怪也奇異之氣疑於貴富非有同人之質自然端貴可爲賢明之徵也左傳言子都射害人詩稱其美歌之曰不見子都漢書言雲陽董聖卿真美麗人也又富貴然卒自殺無後此又別也非是形骸端正而近惑於韶秀故經傳於似秀而實非秀者正名之曰頑童則經傳於相審矣知此二者相人之術進於道矣魏書耿元傳云善卜占王公求其筮者元拒而不許曰今既貴矣何所求而復卜也五代趙鳳謂相士旣識唐明宗若復置之京師則輕躁狂險之人輻湊其門自古術士妄言致人族滅者多矣金史宗望傳大定十二年

詔自今宗室宗女有屬籍者及官職三品者除占問嫁娶修造  
葬事不得推算相命違者徒三年重者從重若今之相士固無  
取焉術士之口非惟妖異是懼亦當遠絕詭言門無雜賓名家  
之規是無疑也

癸巳類稿

卷十三

六  
三十一

節婦說

禮郊特牲云一與之齊終身不改故夫死不嫁後漢書曹世叔妻傳云夫有再娶之義婦無二適之文故曰夫者天也按婦無二適之文固也男亦無再娶之儀聖人所以不定此儀者如禮不下庶人刑不上大夫非謂庶人不行禮大夫不懷刑也自禮意不明苛求婦人遂爲偏義古禮夫婦合體同尊卑乃或罕其妻古言終身不改身則男女同也七事出妻乃七改矣妻死再娶乃八改矣男子理義無涯涘而深文以罔婦人是無恥之論也魏志鍾繇傳云子毓爲御史中丞侍中廷尉聽君父已沒臣子得爲理謗及士爲侯其妻不復配嫁北史李諧傳云五品以上妻妾不得改嫁北夢瑱言云士人女郎無改適之禮然宋濮王允讓仁宗時知大宗正事故事宗婦少喪夫雖無子不許更娶已類稿

卷十三

七

嫁允讓曰此非人情乃爲請使有歸檢禮志十八云治平中令宗室女再嫁者祖父有二代任殿直若州縣以上卽許爲婚姻熙寧十年詔宗婦非祖免以上親與夫聽離再嫁者委宗正司審核其恩澤已追奪而乞與後夫者降一等尋詔宗女毋得與嘗娶人結婚再適者不用此法是女再嫁與男再娶者等元史列女傳云鄭州霍尹氏夫死姑命其更嫁尹不忍姑曰世之婦皆然人未嘗以爲非汝何獨恥之尹曰人之志不同妾知守妾志且姑不能強此則婦人之節男子所不及其再嫁者不當非之不再嫁者敬禮之斯可矣

貞女說

列女傳云丹陽羅靜者廣德羅勤女爲同縣朱曠所聘昏禮未成勤遇病喪沒鄰比斷絕曠觸昌經營尋復病亡靜感其義遂誓不嫁有楊祚者多將人眾自往納幣靜乃逃竄祚劫其弟妹靜懼爲祚所害乃出見之曰實感朱曠爲妾父而死是以託身亡者自誓不貳辛苦之人願君哀而捨之如其不然請守之以死乃捨之後世女子不肯再受聘者謂之貞女其義實有難安未同衾而同穴謂之無害則又何必親迎何必廟見何必爲酒食以召鄉黨僚友世又何必有男女之分乎此蓋賢者未思之過必若羅靜者可云女士矣可云貞女矣嘗見一詩云閩風生女半不舉長大期之作烈女壻死無端女亦亡鳩酒在尊繩在梁女兒貪生奈逼迫斷腸幽怨填胸臆族人歡笑女兒死請旌

癸巳類稿

卷十三

八

藉以傳姓氏三丈華表朝樹門夜聞新鬼求返魂嗚呼男兒以忠義自責則可耳婦女貞烈豈是男子榮耀也

妒非女人惡德論

妒在士君子爲惡德謂女人妒爲惡德者非通論也古見官文書者宋明帝以湖孰令袁怡妻妒忌賜死使近臣虞通之撰妒婦記又以公主多妒使人代江敦撰辭婚表見宋書后妃傳有云姆嬀爭媚相勸以嚴妮媼競前相諂以急聲影才聞少婢奔逆裙袂向席老醜叢來左右整屐以疑寵見嫌賓客未冠以少容見斥魏書宗室傳元孝友上表云古諸侯娶九女十一妻一妾晉令諸侯王娶妾八人郡公侯六人第一二品四人三品四品三人五品六品二人七品八品一人至聖朝忽棄此數由來漸久將相多尙公王王侯皆娶后族故無妾媵習以爲常舉朝旣是無妾天下殆將一妻設令志強廣娶則家道離索身事屯遭丙外親知共相嗤怪父母嫁女則教以妒姑姊逢迎相勸以

突已類稿

卷十三

九  
八十一

急以制夫爲婦德以能忌爲女工妒忌之心生則妻妾之禮廢妻妾之禮廢則姦淫之兆與此臣之所毒恨者也請制令王公一品娶八通妻備九女二品備七三品四品備五五品六品則一妻二妾限一周年悉令充數若不充數及待妾非禮使妻妒加捶撻者免所居官妻無子而不娶妾科以不孝之罪離遣其妻北齊書元孝友傳亦有之舊唐書職官志司封云親王孺人二媵十一品媵十二品媵八國公三品媵六四品媵四五品媵三唐書百官志云凡置媵上其數補以告身散官三品以上皆置媵朝野僉載云唐貞觀中桂陽令阮嵩妻妒刺史崔逸云一妻不能禁止百姓如何整肅妻旣禮教不修夫又神明安在解見任此崔邈意與元孝友同妒者婦人常情妒而忌則殺人者死傷人抵罪何煩詔表令檄牽妒言之哉明會典刑部律例一

云親王妾媵十人一次選世子郡王四人二十五歲無子具二人有子卽止三十無子始具四人長子至將軍三十無子具二人三十五無子具三人中尉三十無子娶一妾三十五無子具二人庶人四以上無子許娶一妾律例四云民年四十以上無子者方聽娶妾違者笞四十此則婦女無可妒禮法之最善者也易林云二婦同夫志不相思心懷不平志常愁怨意林申子云妒妻不難破家一妻據夫眾妻皆亂此不可奈何者也韓非子內儲說六微二云衛人有夫妻禱者而祝曰使我無故得百束布其夫曰何少也對曰益是子將以買妾意林典論云上洛都尉王玉以功封侯其妻泣於內恐富貴更娶妻妾三國志袁紹傳注魚豢典略亦同此其夫必素仇達者後漢書馮衍傳注衍與妻弟任武達書云先聖之禮士有妻妾年衰歲暮恨入

癸巳類稿

卷十三

十

七上

黃泉遭逢嫉妒家道崩壞醉飽過差輒爲架紂房中調戲布散海外家貧無僮賤爲匹夫故舊見之莫不悽愴曾無憫惜之恩惟一婢武達所親見頭無釵飾面無脂粉不原其窮不揆其情誦諷藉藉不可聽聞暴虐此婢不死如髮半年之間膿血橫流宜詳居措且自爲計每以上書告訴相恐此婦性益暴急衍誣之爲妒漢書貢禹傳言諸侯妻妾或至數百人豪富吏民蓄歌者數十時無限制衍以宦斥貧束具僮自不能具妾循衍書意蓋有愧行於其妻矣夫婦之道言致一也夫買妾而妻不妒則是恕也恕則家道壞矣天地絪縕萬物化醇男女媾精萬物化生易曰三人行則損一人一人行則得其友言致一也是夫婦之道也依經史正義言之妒非女人惡德妒而不忘斯上德矣

書舊唐書輿服志後

劉昫等作志肯言婦人貴賤履舄及靴略本開元禮序制不及唐六典內官尙服注謂皇后太子妃青鞵舄加金飾開元初或著丈夫靴又言武德來婦人著履規制重開元來線鞵輕妙便事惟侍兒乃著履通典禮八十二云外命婦朝會至西階脫舄升又云量設脫履席於東西階下命婦應升者至階就席脫舄升又云司賓引降各納舄此本開元禮開元禮云皇后正旦冬至受外命婦朝賀西階下脫舄升其會儀設脫舄席於東西階下脫舄升酒行畢降納舄是脫去複下履也迨後婦人足弓於南唐漸成風俗此爲實書矣南唐裏足亦僅聞官娘道山新聞言之最詳至明人忽有異說謂古亦弓足其說有二一者言孝堂山漢畫女人足前銳今審石刻男足亦前銳前銳乃側畫體

癸巳類稿

卷十三

十一

七

且畫惟方履則見稜婦人至晉始方履漢畫宜前銳也古鏡鑄舞女像足亦前銳舞用利屣屣前銳非足銳也一者無智之人妄說古書晉人詩云霧露隱芙蓉見蓮不分明慶辭不憐也乃遠附之金蓮謝靈運詩云可憐誰家婦緣流濯素足明月在雲中迢迢不可得白足濯溪而引官娘雲裏月常新南史言齊東昏鑿蓮花貼地令潘妃行其上曰此步步生花也乃寵異神明之如以金蓮花盆濯足之意而僞增云使以帛纏足行蓮花上古樂府云新羅繡行纏足跣如春妍杜牧詩云鈿尺裁量減四分碧琉璃滑裏春雲溫庭筠錦鞵賦云粲耀織女之束足燕婉常娥之結璘行纏裏春雲束足結璘皆足飾而云裹足杜牧鈿尺琉璃則七寸五分之青履韓渥六寸圓膚已是五代而云唐時皆然杜甫詩云羅韞紅蕖豔乃青履紅韞而楊慎云古本麗

人行有足下何所有紅氍羅穿鎗銀誤以紅氍爲金蓮足且造漢雜事祕辛云足長八寸底平指斂約縑迫袂收束微如禁中大唐新語太真外傳國史補竝云馬嵬店媪收得楊妃錦勒襪一隻而明桑懌瑯環記造姚鶯尺牘言楊妃雀頭履長僅三寸誠齋雜記言天寶時桃源女子吳寸趾以足小得名爲調停之說者則曰某言古弓足其書古不弓足鷄鳴狗吠與人聲相亂其執孝堂山畫者則無一文可證又不視男足自使疑惑吳志諸葛恪傳注引恪別傳云母之於女恩愛至矣穿耳附珠何傷於仁若時裏屈其女之足者何假穿耳以爲說哉弓足之事宋以後則實有可徵鶴林玉露云建炎四年柔福帝姬至以足大疑之翟燧曰金人驅迫跣行萬里豈復故態上爲惻然徐積贈陽蔡張氏詩云手自植松柏身亦委塵泥何暇裏兩足但知

癸巳類稿

卷十三

三

勤四支已以足大不裏爲異老學庵筆記云宣和末婦人鞵底尖以二色合成名曰錯到底元時亦有之張翥多麗詞云一尖生色合歡鞵是也侯鯖錄云京師婦人莊飾與脚皆天下所不及墨莊漫錄云婦人之纏足起於近世又其時詠唐崔鶯鶯者商調蝶云繡履彎彎未著離朱戶以宋式追況之也然蘇軾減總花字木蘭花贈君猷家姬云兩是如霜挽紵衣又云蓮步輕飛夢溪筆談云王綸家紫姑神謂其女履下有穢土雲不能載女子乃袜而登雲李清照點絳脣云見客入來襪刻金釵溜則北宋亦自有不裹足者藝林伐山云諺言杭州脚者行都妓女皆穿窄鞵弓鞵如良人言如良人者南渡流入謂北方舊式道山新聞云宵娘以帛纏足令纖小屈上作新月狀揮塵餘話云建炎時樞密計議官向宗厚纏足極彎長於鈞距王僧戲之謂脚似

楊貴妃言朝鞵過彎上似其時婦人腳也鬼董云紹興末臨安樊生遊湖上寺閣得女子履絕弓小張循王妾履也夷堅志丙

集云慶元時湖州南門外一婦人著皂弓鞋見侯君素遊宦紀

聞云永福鄉一張姓僧有富室攜少女求頌僧曰好弓鞋敢求

一隻裂其底襯紙乃佛經也其時鞵前彎上故謂之弓宋史五

行志云理宗朝宮妃束足織直名快上馬則束足令直始理宗

時直則不弓矣弓小當別言之花閉集蜀毛熙震浣溪沙云捧

心無語步香階緩移弓底繡羅鞵是底前向上吳自牧夢梁錄

云小腳船專載賈客小妓女荒鼓板燒香嬾瘦則但言其小宋

時幾以為婦人通稱輟耕錄云元豐以前猶少裹足宋末遂以

大足為恥此南宋時事而嶺外代蒼云安南國婦人足加鞋鞵

遊於衢路與吾人無異所謂吾人今廣西人是宋時嶺外皆不

癸巳類稿卷十三

弓足輟耕錄云程鵬舉宋末被擄配一宦家女以所穿鞋易程

一履是其時宦家亦有不弓足者至金元之制楓窗小牘云汴

京閩閩宣和以後花靴弓履窮極金翠今虜中閩飾復爾瘦金

蓮方瑩面丸徧體香皆自北傳南者是金循舊俗而元時南人

亦有不弓足者湛淵靜語云伊川先生後人居池陽其族婦人

不纏足蓋言其族女子不肯隨流俗纏足也野獲編則云明時

浙東巧戶男不許讀書女不許裹足是反以裹足為貴今徽州

寧國小戶亦然積習所以難反今知其所由起則唐以前之制

宜為理董之周官履人職有后及外內命婦之服為履總純

自後遺文散見以推得古婦人履禮服則圓頭高底底向上晉

書五行志宋書五行志搜神記開元占經竝云初作履婦人頭

圓男子頭方圓者順從之義所以別男女也是履頭圓也三臺

新詠梁皇太子聖製戲贈麗人詩云輕裾宜細褶畫屨重高牆

藝文類聚此和湘東王名士悅傾城詩云履高疑上砌裾悶特

畏風首昭明太子王訓奉賀率爾成詠詩和簡云簡釵新輶翠

試履逆填牆徐君蒨初春攜內人行戲詩云草短猶通履梅香

漸著人鮑泉南苑看遊者詩云履高含響佩轆轤半隱羅草短

通屨高疑上砌是底高也見只編明姚士麟撰刻云米徽唐文

德皇后遺履圖跋曰以丹羽織成前後金葉裁雲飾長尺底向

上三寸許中有兩系首綴二珠蓋古岐頭履也是高底底向上

也向上則底下窄漢人謂之晚下釋名云晚下如鳥其下晚晚

而危婦人短者著之可以拜也拜謂俯也其非高底者曰遠遊

履魏曹植洛神賦云踐遠遊之文履是也其非高底圓頭則前

銳後無跟名曰屣史記貨殖列傳云鼓鳴瑟跣音履文選魏都

吳已類稿卷十三

注引史記又云揄長袂躡利屣漢書地理志云彈弦跣躡左思

魏都賦云邯戰躡步躡卽屣漢書注師古云屣謂小履之無跟

者所謂小履對禮服履言之跣者史記集解臣瓚云躡跟為跣

以無跟故躡之又跣之文言通曰屣漢書傳不疑傳云屣履起

逆後漢書王符傳云屣履出迎二文皆言跣履也炙韋子雜錄

云韋韞晉宮內妃御皆著之唐武德間婦人多曳履亦跣也唐

明皇楊妃韞銘云細細圓窄窄弓弓脫履露纖妍跣履脫則

韞露婦人足自較男子小故韞細圓唐書車服志云文宗制婦

人青碧纈平頭小花草履彩帛縵成履而禁吳越高頭草履草

履皆韞之明初韞耕錄云浙西之人以草為履而無跟名曰韞

韞婦人非纏足者通曳之今猶然也古詩孔雀東南飛云足下

踏絲履織織作細步躡履故步細蓋曳而緩行所謂躡步也又

踏絲履織織作細步躡履故步細蓋曳而緩行所謂躡步也又

音履 文選魏都 吳劉淵林

云新婦識馬聲躡履相逢則急急起迎之所謂貼利屣也其男  
女常服履皆前銳者曰鞞鞞曰武靴孝堂山石刻漢畫男女足  
皆前銳郭若虛圖畫見聞志云唐代宗朝令宮人侍左右者穿  
紅錦鞞靴則女靴履前銳北夢瑣言云王迪車轍鞞靴鼻逾寸  
而不傷腳指三日後入拜翰林聞見近錄云宋神宗開禧時  
近侍以弓撻靴進鞞維曰王安用武靴按隋書禮儀志云長鞞  
靴田獵遊豫則服之是男武靴亦弓而銳也其弓向上者謂之  
鼻漢釋名謂之叩角其靴缺前鞞者釋名謂之鞞鞞皆男女有  
之其膝以下飾有行脰結束詩所謂邪幅在下釋名云幅所以  
自偃束今謂之行脰言以裏腳可以跳騰輕便鞞末也在腳末  
然則行脰裏腓鞞覆髀跌古人所謂束足裏腳者如此後漢書  
董祀妻傳云蓬首跣行賜以頭巾履鞞與男子同宋高宗於秦  
癸巳類稿

卷十三

五

八上三〇

脰舄曰吾今膝袴中可不帶七首則男子袜上及膝不用行脰  
此古今之異也其禮服履方圓改者宋書五行志云晉太康初  
婦人皆履方頭此去其員從與男無別也又云孝武之世幸臣  
戴法興權亞人主造員頭履世人莫不效之其時員進之俗大  
行方格之風盡矣是男女之式互易女子惟大足故履頭員可  
改方抱朴子云吳景帝於苑中架小屋施牀帳以婦人履履著  
其上以試巫則未改時員頭履也其非禮服則男女靴履同史  
記滑稽列傳云男女同席履舄交錯是其時男女履同也北齊  
書任城王潛傳云天統二年拜大保并州刺史有婦人臨汾水  
浣衣有乘馬人換其新靴馳而去婦人持故靴向州言之足同  
故靴可換新唐書車服志亦言中宗後宮人胡帽海內效之衣  
丈夫衣而靴大唐新語云天寶中士流之妻或衣丈夫服靴衫

輓帽內外一貫天寶以前事如此唐書滕王元嬰傳云典籤崔簡妻以履抵元嬰面血流唐詩紀事云段成式光風亭夜晏伎有醉毆者詩擲履仙鳧起捲衣蚊蜺飄可脫履擲抵人是唐以前男女履同也古丈夫貴者履朱婦人貴者履青有綵色三輔黃圖云鈎弋夫人棺中但有綵履列仙傳西京雜記云趙合德上飛燕同心七寶綵履秦嘉與婦書云今致龍虎組緹履一編陸機織女賦云足躡刺繡之履魏高允羅敷行云躡著花文履耳穿明月瑤梁武帝河中之水歌云足下絲履五文章平頭奴子掣履箱沈約少年新婚爲之詠云錦履並花文繡帶同心苴是也惟南齊書云高祖素儉宮人盡合著紫絲履其他婦人非貴者履亦有綵色漢書賈誼傳云絲履編諸絲注服虔云加牙條以作履緣師古云編諸若今之織成而爲庶人夔妾之履張安已類稿

卷十三

六

81113

衡南都賦云侍者履躡華英至唐時則新唐書車服志云文宗時婦人平頭小花草履綵帛縵成和凝詞云叢頭鞵子細編綦幫綵金絲卽漢書王莽傳所謂句履岐頭出履二寸者五代時猶有叢頭之名以及岐頭平頭可因以見晉後頭方晉前頭圓之制非盡便服利屣前銳也古婦人貴富者衣長不見足漢承古制婦人袍旁有曲裾江充傳注蘇林云今新婦袍上挂全幅繪角名曰交輸裁元后傳絳緣諸子注師古云諸于大掖衣卽袿衣類此寬衣大襪唐謂之燕尾明曰插襪其燕服則窄庾肩吾詩云細署宜窄衣長釵巧扶鬢庾信詩云小衫才裏臂纏弦恰抱晉古男子上衣下裳婦人則不殊裝衣窄褻長裳連衣言從一也明史輿服志云婢使長襖長裙小婢使長袖短衣長裙短衣見裙爲賤人之服古婦人衣曳地其不曳地則史表著之

若漢文帝中人王莽妻美惡皆爲口實衣曳地則覆履惟見底  
故底高順從人故頭圓其弓足小而銳者求之於古亦有所出  
出於古之舞服史記躡利屣集解徐廣云利屣舞屣也足容重  
舞則見屣舞屣赤色花文薄底頭利銳綴珠張衡西京賦云振  
朱屣於盤樽文選舞賦注引卞蘭許昌賦云振華足而却蹈顧  
野王舞賦云頓珠履於瓊簞曹植妾薄命云妙舞僊體輕解  
裳遺履絕纓梁昭明太子舞詩云人行看履進藝文類聚  
帝舞詩云巾度履行疎小垂手云頓足轉雙巾沈約詠脚下履  
云裙開臨舞馬沈君攸伎詩云頓履鳴珠珮劉孝儀和舞云迴  
履裾香散又云頓履赴絃餘劉遵應令詩履度開裙藝文類聚  
緣殷芸詠舞云頓足有餘情庾信詠舞云頓足隨疎節江漢舞  
女云頓足復含杏李翱嫁柘枝妓云湘江舞罷忽成悲便脫蠻  
癸巳類稿

卷十三

七

文川

靴出絳帷蓋舞先見足故言屣履靴利屣本織因而裹之宵孃  
裹足者舞人也南唐書言小周后刻鞞步香階手提金縷鞋是  
南唐貴人不弓足弓足出舞利屣明也大足利屣則屣前銳利  
有鼻而弓古弓靴屣不弓足南唐弓足束指就屣鼻利處而織  
向上宋理宗時織直後乃織向下此其大略也然金史輿服志  
云皇后烏青羅製白綾裹明金黃羅準上用玉鼻仁如意頭眞  
珠裝綴繫帶鞞青羅表裏綴繫帶其烏如意頭玉鼻仁飾珠與  
皇帝烏同明史輿服志云皇后青鞞烏飾以描金雲龍阜純每  
烏首加珠五顆皇妃皇嬪及內命婦青鞞烏皇太子妃鞞烏同  
命婦九品青鞞爲宮人則弓樣鞋上刺小金花是貴人不以裹  
足入制而宮人弓鞋爲利屣蓋撇尖鞞鞋沈德符野獲編云向  
聞禁掖中被選之女入內皆解去足絛別作弓樣後遇掃雪人

從內拾得宮婢做履始信其說不誣黃道周三事紀略云宏光選婚懿旨以國母須不束足則明時制度過南宋遠矣而劉若愚酌中志略云番經厥跳步叱神廟時教宮女數人做法事惟弓足不能跳步叱宮禁中已不能守先法

本朝崇德三年七月有效他國裹足者重治其罪之制後又定順治二年以後所生女子禁裹足康熙六年弛其禁古有丁男丁女裹足則失丁女陰弱則兩儀不完又出古舞屣賤服女賤則男賤女子心不可改者由不知古大足時有貴重華美之屣徒以理折之不服也故具分析言之非以歷證談者之短亦庶為讀古史好學深思者之一助焉嘉慶丙寅五月書於德州學舍

錫尺減四分爲七寸五分唐人語如此漢行四分法亦四分

癸巳類稿卷十三 六一  
之一唐千金方亦一兩爲四分今醫用古方多誤道光壬午九月十六日記

哭爲禮儀說

聖人之禮濇至周密禮之不行由俗士妄議論也南史王秀之傳云遺令曰世人以俟妾直靈助哭當由喪王不能濇至欲以多聲相亂魂而有靈吾當笑之老子云禮者忠信之薄此王殆老氏之徒唐李匡又資暇集云喪筵伎婢唱悲切聲助主人哀謂之揚聲當爲羊聲義取羔羊跪乳不惟助也其解甚謬揚者舉也揚聲舉哀也士喪禮代哭不以官則使親疎更迭而哭周官挈壺氏懸壺以代哭者禮未大斂代哭懸壺明時刻更迭均也肆師云大喪外內命婦序哭喪大記君大夫士皆有代哭者哭以次序更代則不備官之家使僕妾宐也蓋大斂日久哭絕聲則不安不絕聲則孝子死矣雖老聃王秀之亦不得活王陽明年譜云父卒久哭暫止有弔客至侍者曰宐哭先生曰客至癸巳類稿

卷十三

九

881

始哭則客退不哭飾情行詐也是不守代哭之禮客匍匐舉哀而主人默爾且必客退而哭客進反不哭是飾情示矯也君子表微所當舉以告俗士好議論者不達之人又以哭無淚爲作僞按哭於禮爲哀之文哀者固哭其於禮當哭者卽不哀亦當襲哀之文而哭如羊爲告朔之儀卽不告朔亦當襲告朔之儀而具羊禮云公父文伯之喪朋友諸臣未有出滄者是未嘗不哭傳曰襄仲說帥兄弟以哭之則哭何必有滄也禮又曰有異而哭之者亦不當有滄也禮又曰孔子哭舊館人出曰吾哭之遇一哀而出涕使子貢脫驂賻之曰子惡夫涕之無從也子貢言未嘗脫驂賻他人則聖人哭他人並不出涕故禮不云泣涕止云用哭今人以無涕遂不哭說文云哭哀聲也有其聲而已君子表微所當舉以告俗士不達者

書朝野僉載後

此書止三卷似從太平廣記所載復錄出者其記英公爲鄉人設餅兼及宇文朝王罷事極可爲世法王罷事載周書裂袞餅緣止是未饑正當命左右撤去不與食又割瓜皮太厚投地真輕薄人作達體態惜兩唐書英公傳皆不載又唐闕史有一條云鄭澣爲河南尹一從孫來謁求一尉澣召與會食有蒸餅鄭孫去其皮而食之鄭大嗟怒曰皮之與中何以異也僕嘗病澆能譌俗驕侈自奉謂子力田敝衣必知艱難奈何浮澆甚於綺紵乳臭兒因引手請所棄者鄭孫錯愕失據器而奉之鄭盡食之遂揖出贈五緡遣之歸其事亦佳兩唐書亦不載獨醒雜志亦有一事云王荆公子婦之親蕭氏子至京師謁公公約之飯惟啖胡餅中間少許留其四旁公顧取自食之其人愧甚而退

癸巳類稿

卷十三

三

六十一

安石此事可喜幾與王罷李勣鄭澣同而宋史安石傳亦不載或王雱生嫁其婦龐氏安石憎龐氏親因誣之非實事史惟記罷事其傳李勣鄭澣者以此事爲非要不知此事可知風俗及其人識度若遇左邱明司馬遷班固必謹記之矣僉載言英公謂墜地兩徧熟楸下種鉏蒔收刈打廳訖磴羅作麩然後爲餅少年裂却緣是何道理此處猶可若對至尊前作如此事參差却却頭或疑其言太過按太平廣記載隋唐嘉話云宇文士及侍太宗割肉以餅拭手太宗屢目之士及陽若不省徐卷餅啖之舊唐書士及傳不載新唐書載之以爲士及機悟此太宗好惡正也太平廣記又載柳氏史云肅宗爲太子時侍膳割羊膾膾餘汗漫在手以餅潔之元宗熟視不怪肅宗徐舉餅啖之元宗甚悅曰福當如是愛惜鄭處誨明皇雜錄云武惠如生日上

於萬歲樓乘步輦從複道窺見衛士食畢以餅棄水竇中上怒命杖殺既而赦之檢唐書讓皇帝傳云侍元宗按舞萬歲樓從複道上見衛士已食棄其餘竇中元宗怒詔高力士杖殺之從容諫止又唐語林云高少逸觀察陝州有中使於石碣驛怒餅餌黑鞭驛夫見血少逸封餅以進上曰深山中如此食豈易得耶謫中使配茶陵此以見元宗能遵祖訓終不失天下英公言對御食餅裂緣棄之太宗必斫其頭英公必非妄語熏炙鄉人也愛其事有益於人故爲證成其義雍正四年

上諭云朕以勤儉先天下宮室之中於食餘之物皆不忍棄必令人拾取收貯之數年以來所貯米粟已至數十石之多蓋飯粘淘漉錄存者五年

上諭云朕生平愛惜五穀每食之時雖顆粒不肯拋棄三月

癸巳類稿

卷十三

三

三

聖人之性情如此待文王而興者中人以下皆可勉也晉書殷仲堪傳云爲荊州刺史鎮江陵食常五椀盤無餘肴飯粘落席間輒拾以噉之宋人國老談苑云查道以謹儉爲龍圖待制每食必量能盡一器乃食不勝則不復下箸雖蔬茹亦然嘗謂所親曰福當如是惜之春渚紀聞云元厚之自少至老每食度不能盡卽先分減別器未嘗殘一食明齋小識云青浦蔡禹銘習幕爲徵比每伏拾几下委穀人皆笑之享遐年孫朝杰舉於鄉施閻章子彥恪家風述略續編云丙寅遊浙寓舍王翁熟視予曰子爲施先生嗣歟昔尊公止此飯後餘粒墮地公貴人猶俯捨而噉焉今君亦然且祖相類記宋人說部記范丞相子在逆旅拾錄米粃問荅與此同今范氏輯文正父子事未收此條此皆好事可記者嘉慶戊辰二月書於百泉

